



大觀堂文集卷九

暨陽余

七律 三

辛酉三月同無黨章年兄泛舟天鏡園有感及

讀無黨兄大作因奉和原韻

并序

僕童子時游天鏡園輒心賞之維時園亭之盛甲
於通郡草堂以南奇石嘉木不可勝記其西壘石
為山高踰數仞曲徑幽清廻環複道登眺目不暇
給稍南有小亭顏曰嘯禾平田千頃禾黍油然遠



望山庄竹圃籬門茅舍歷歷如畫至於耕夫饁女
飯犢荷鋤之狀咸在目前此尤諸名園所不及也
其餘樓閣臺榭最繁而稻孫一樓在嘯禾之後總
覽羣峯俯瞰巨壑其勝冠于一墅僕每至越城未
有不泛舟於是者自甲申後主人亡暇整輯周垣
頽圯而園亭樓閣之屬亦日就荒蕪矣積漸至今
嘉木珍石無一存者草堂數楹而外唯稻孫一樓
巍然在耳然雕欄曲檻已資釜爨區區唯一亭一
閣猶足登覽碧沼小橋差堪臨玩而時移物換一

往淒然數月之內草堂亦爲瓦礫將來併池閣亦
恐不可復問矣僕同年章丈無黨鍾情山水素具
豪襟因命小舸同游其地至則荆榛翳目彌望丘
墟曷禁吳宮花草之嘆無黨賦詩嗟悼僕因步韻
和之非唯情溢乎辭抑亦感深於什矣

縱棹明湖拾翠嵐名園春色擅江南一天虛碧朝光
靜萬壑烟霞夕影函魚躍小橋溪藻淺鳥啼深樹綠
陰酣溪堂莫憶當年句衰鬢清樽我正堪

一葉凌晨溯遠嵐閒隨勝侶步城南蕪亭剩有蒼藤
覆秃樹唯看碧沼函倚徙多時魂欲斷傷心何日興
重酣平泉木石今安在滿目溪山祇未堪

其三

翠嶂青溪遶畫嵐幽情久欲向城南靚深臺榭歸何
處紆碧薨闌儘日函殘徑唯餘芳草恨頽軒應共野
人酣回思四十年來事夢醒遊行也自堪

其四

澄湖一曲映晴嵐初夏薰風拂檻南廢苑少憐花作

戶荒亭無主石爲函扁舟曳杖人多暇斗酒聽鶯興

自酣長嘯籬間忘俗事稻孫樓上與君堪

西施山

卽越之土城山少伯旣進夷光越王命
教歌舞於是旣成乃貢諸吳故俗呼西
施山云舊係商氏別業今轉鬻
于李將卜葬焉遂用前韻弔之

升墟一望水浮嵐歌舞猶傳笠澤南丹壑似餘蒼澗
約青山不負白雲函五湖烟雨身如夢兩國江山戰
自酣憑弔美人唯醉嘯牛眠鹿走竟誰堪

和同年繹翁沈太史分省中州

癯然仙骨玉肌人原屬僧伽金粟身少倚軒皇香案

史暫稱行省秘書臣頴波清映瀛洲月嵩岫光分上
苑春近喜休文能却病莫將腰帶謝絲綸

已未冬杪吳門別遜菴弟

時以舊疾
乞假南歸

白髮何堪事遠征朝看西爽倍分明知幾知足俱餘
事無辱無榮在此行一片閒愁猶未釋十年沉痾倩
誰平與君倚棹烟波外且聽紛紛朔雁聲

和章無黨年兄原韻

杖履年來拙有餘臥看岩壑夜牕虛敝廬咫尺魚書
遠好友慇懃鶴髮疎往事於斯誰痛哭世情何敢漫

欷歔酒酣空下憂時淚多病奚堪更絕裾

夏日萬壑菴口占

晝日炎炎灌木涼開牕展我竹方床釣舫深處逃菰
葉樵徑風來引稻香江雨乍收啼布穀碧溪初漲浴
鴛鴦夢餘忽聽茶聲沸疑是松濤戰夕陽

聞黃鶯

小軒深擁翠琅玕夏日陰陰碧露寒綠雨枝頭聽坐
語薰風亭下漫憑闌五雲鳳叶歸昌晚九折猿啼蜀
道難聞說金衣原貴客腰肢似沈鬢如潘

闡中惠新葡萄奉謝
閒思荔子及黃柑
晝夢新香齒頰
函湖上雞頭初剝
乳池中雪藕乍登籃
白菱軟脆紅菱薄
綠柿芳鮮紫蔗甘
諸品垂涎渾未得
生津賴有水晶含

春雪

怪道經春不放梅
却緣寒色禁難開
山中逸士誰高臥
溪上扁舟欲晚來
天爲閒翁辭客屨
人欣豐兆樂啣杯
還須羯鼓催花發
飲盡屠蘇未許回

秋山早起

坐看雙峰作早秋
朝來爽氣滴枝頭
萬山圍遶青牛寺
一水中開白鷺洲
不信人間有芳樹
初知尊外少浮丘
少微自啓長庚曜
豈羨元龍百尺樓

春日長安觀百戲

民間笙管雜繁絃
爭看王孫欲戲鞭
多少朱門徹繡幕
往來綠鬢共鞦韆
誰誇白壁真無價
競臥黃壚不計錢
唯有甕頭佳吏部
隣家釀熟醉堪眠

龍山萬松作呈胡使君

昔年携酒對長松
萬樹濤聲月色濃
每恨摧殘非舊

識喜逢栽植又新丰翠微深處蒼崖近巖壑晴時碧
嶂重越望亭邊真可望蓬萊環繞玉龍峯

憶故鄉山居
瑣牕幽雨落花泥疎竹蕭蕭筍欲齊山鳥幾聲驚繡
谷水鷗數點動明溪江天鱸膾春方熟野寺鶯歌晚
漸低自是歸思閑不住誰將雀舌寄封題

越望亭落成九日讌集

并序

丙辰九月九日會稽刺史山陽何使君以山亭落
成名郡人士大夫暨耆庶帳飲甚盛先期折簡呼

余適觸寒不果赴既而羣集者各有所賦以紀勝
事使君徵授劄劂以副本示余余曰是亭之廢歲
月良久矣方余垂髫時應童子試抵郡此亭翼然
山椒林木陰翳遙望翠微如出天際自鼎革後

亭圯垂三十年前守未聞志興復唯元功許使君
始慨然太息銳圖脩舉而時方震隣郊壘如織未
遑謀鳩庀也俄又以遷秩去繼之者爲今何使君
甫下車卽詢謀紳士規畫精詳因舊坵構新楹崇
闕壯麗甲於禹甸顏之曰越望壯形勝也抑以表

岩壑之秀歟方工未告竣公適以外艱聞董役者
有怠色般倕幾輟斤矣公毅然爲之尅期畢役爰
乘采菊之序復脩龍山故事郡邑喧傳環山麓觀
者以億萬計是日商飈栗然響撼深谷登高墮幘
者何止參軍諒桓公於此拊几長笑未免破戚爲
歡矣是山高不踰千尺而蜿蜒盤互郡署適居其
麓外垣周繚亭冠其巔湖海之氣朝夕萬狀非才
人傑士孰克當此眺賞者乎余謂是舉有五美而
所不足者未免禮俗之議耳脩舉廢墮重形勝也
名集同人復曠典也惜別故老存遺愛也宴敘落
成卹勤勞也遊賞嘉序舒性情也所不足者絲竹
遊山非素冠之事登高作賦妨蓼莪之忱衆論悠
悠詎無全異然自古任達之士不拘禮俗恒如是
矣吾於使君深望其來而悲其去也

使君名客豈無情惜別登高又落成湖海一身悲獨
立江山千里贈君行偶來雲際征鴻影愁聽林臯碎
葉聲父老莫辭樂社酒明年釀熟憶西清

其二

折萸折柳一時新別酒傾樽莫厭頻歸去應能隨杖履醉來嘗許吐車茵蘭亭禊後誰堪飲金谷詩成共幾人捲籜長風開木末隔湖何處望吳津

南園藤花極妍憶故友登子

屢勸徵君緩著鞭寧知鳧鳥遽爲仙名園木石誰稱主衆壑烟霞不記年澤畔筌篚徒有夢林間明月肯歸舷壽藤花老春深處閒誦南華思黯然

壽查春谷尊人

兩峯嘉氣燭層城皂帽何人國士聲有子與文真不朽維仁且靜果長生門稱通德盈冠蓋家富藏書憲老更酒熟花開歡未足澄湖明月夜撈箏

偶書

作詩猶易改詩難莫把推敲容易看先有別腸驅俗韻後開幽興出新瀾吟髯自喜尋驢背食肉何須嗜

臘金根隨意掃
笑齒不勝寒

人日後三日父誕日縉誕日適同

鶴鹿啣書萃草堂
馳封應爾慶方將
松筠偕茂欣長日
喬梓同辰荷彼蒼
膝下羣雛趨塾里
座中佳客動

賢鄉衡門更有東坡在

予兄綸方家居

椒酒其能祝豫康

婦病

念子焦勞尚未瘥祇緣中饋日沉痾官貧竟爾忘闔
閭歲歉因兼病醢齏拙性本能同草木旅人空自隔
山河敝裘寥廓歸無日柴瘠如君奈若何

春日天壇訪陸夢明年兄作

古院幽清桔栢光閒齋少事日初長翩躚道侶逍遙
坐冷落儒官蹀躞忙笙管漸成新法曲琴書難換舊
棗梁訪君共話家園事夢想湖中十錦塘

報國寺訪萬大來同年因翫松

勝友於茲閱歲多亭亭百尺自嵯峨雖憐好侶無梅
竹不爲攀援繫葛蘿獻賦少年誰雋逸下帷老子媿
婆娑邇來孫綽深無事風雪庭中日可哦

長安燈火時有雪月

天街銀燭絳紗籠正是飛花舞絮中玉殿龍光啣火
樹瓊臺鼇影徹寒宮清歌一曲陽春近角技千門綵
勝同唯有袁生獨高臥閒階琪草看矇矓

觀燈市

長安風月似當年野老悲歡復自憐
車馬樂遊花信日笙笳吹徹早春天
山棚競角魚龍技水戲新開玳瑁筵
十陌九街看未足綠楊樓外又鞦韆

公舊爲河督

王

朱門杜客老司空濬鑿曾經奏禹功
袖裏風雲能下士鬢邊霜雪爲從戎
舊恩特達唯知己晚節馨香仰鉅公
都下幾人堪倒屣敢因投刺上詩筒

喜雪

小舍岑岑傍建章六花飛墜復徊翔
飄搖朝貴黃金

屋粧點中書白玉堂市上王孫誰惜酒
樓頭少婦自添香寧知僵臥江湖客
夢想疎梅月滿床

庚子歲朝

七年浪跡自揶揄乞巧送窮真古愚
白首兩親誰定省青年諸穉竟荒蕪
山妻椎髻愁蠶績遊子衰顏媿學信
偶見辛盤驚物候恨儂殊不逮樵芻

歲朝占夢

夜夢家園慶有餘賓朋駢集賀吾廬
老親今日添眉壽遊子何時秉耒鋤
箭粉未酬班舞願椒觴寧免室

人歔自嗤白髮將種種歸遇兒童怎識渠

巳亥除夕守歲

誰催春色到長安爆竹通宵震粉盤
飲盡酥觴懽未至吟成椒頌燭初寒
漏殘到處皆呼柷鐘動何人不
整冠唯有八年孤宦客餘灰撥盡帶衣寬

飲蕭年兄藥酒

家樽秘釀鬱金香淺注驚看琥珀光
綠蟻酣沉疑白墮紅螺飲劇悟青囊
甕頭舊有江南色花下新傳海外方
投轄正慙歸未得隔牕皓月欲欹墻

其二

閱世無從人醉鄉誰將美醞貯銀鎗
酣餘併索東坡訣老去應師北海觴
久病遂能消渴肺愁吟因爾療詩腸
主人不是高陽客江表何由有杜康

長安晏臥口號

孰謂官貧態可憐日移亭午尚鼾眠
翩翩春蝶歸花徑淅淅松風到客船
主第鬱輪誰奏賦侯門筭管自成絃
何如一枕華清夢萬壑千峯聽杜鵑

其二

親老家貧祇自憐一官瓠落且貪眠醒時空券長安
米夢去能帆笠澤船夜雨東疇應乘耒條風南澗漫
揮絃黑甜幾胸斜陽後倚杖田間聽晚鶉
老父壽日再咏
十年通籍尚饑寒兩地徒爲膝下歡椎髻山妻愁米
桶白頭遊子誤儒冠堂前歷歷椿雙樹戶外蕭蕭竹
幾竿薄宦經時愆菽水生兒何必願芝蘭

立春日晴

雨粟從來勝雨珠農家占候歲相呼百畝久荒噉宿

飽一官瓠落望多稔中田美稷誰磬雁庭上懸鶉肯
索蚨三輔蒼黔今燕喜樓頭花萼映觀酺

春郊祈穀

條風扇物兆豐年賴有宸誠格昊天九扈羣瞻香
滿室五雲咸靄翠盈田外方高鳥啣青穗海上長鯨
息紫烟物阜民康斯盛世寧煩和糴計貲錢

其二

帝世應書大有年况逢蠲吉燕于天禮成牲玉通羣
望福致丹符始籍田歲美黃雲封翠畝農祥白屋化

青烟司民仰屋今無事太府將弛兩稅錢

人日懷長兒南歸

裹羶冒雪上征鞍爲爾縈愁益鮮歡
占夢幾時通浙水計程今日到淮安
老親倚杖柴扉外病婦重衾床
第端有恨天涯難寄語覩兒悲喜應加餐

賀封邑少尹張琢其陞天長令

閉戶哦松歷幾秋烟寒露白共荒洲
喜君淮右腰新綬愧我長安狎敝裘
驥足年來人竝惋牛刀從此志應酬
歲時若得窺桑雉叢桂山前買雪舟

寄常子呂生

玉樹風前憶故人璠璣秘笈幾迴新
閒庭寂寂封瑤草紫氣深深隱石麟
夢鳥雄篇追兩漢雕龍餘技薄先秦
邇來叔度遙葭水媿我髭鬚白似銀

其二

曾以千金學買隣維君嗜古更親仁
門餘薜荔難爲友家富縹緗樂借人
總角已成公輔器埋頭知是廟堂身
酒漿頻匱雖如許負子雄才殆不貧

春日憶乾溪十里梅

夾道疎香雪滿林寒谿十里貯雲深閒來道服翩然
往樂與幽人仔細尋避世何嘗期物外會心應已在
花陰相憐末俗希清賞獨向蒼崖作遠吟
會以懷林和靖故居
平山竹屋野瀟瀟有客閒吟似灞橋湖上鶯花憑道
士峯頭松雪共谿樵梅林欲謝收詩草鶴唳輕聞撥
酒撓夜靜波寒烟外寺鐘鳴半是海門潮

王世九曲嶺舊作

秋深樹秃萬山明澗斷峯迴鳥道生青石寺前紅葉

滿紫巖洞口白雲平地饒橡栗爲通市俗採茶茗亦

代耕不畏當塗豺虎臥誰邀麋鹿作山行

時予避亂入山故云

憶王右軍蘭亭

箭筈參天列嶂青谿聲遠近入山亭羣賢少長誰能
賦古碣存亾孰記銘禊日和風人共賞林梢暮雨我
曾經何時策杖尋源去樵斧丁丁尚可聽

石屋

友人挾
姝仝行

醉裏松風夢裏山雲中螺黛雨中鬟與君醉酒携琴
去共客鳴箏鼓楫還新月盈盈窺纖手水光奕奕照

醜顏近來塵市心何在猶是烟霞石屋間

吼山

石簣流風映碧泉緣山小築傍潺湲閒亭自立奇峯
外獨樹常看遠岫巔曲徑有時妨客履方池僅可入
遊船携觴日暮空回去載得名園月一川

其二

千峯萬壑抱平泉怪石蹲空水自湲亭意凌虛開木
末水光浮碧動山巔翩翩飛鳥投花屋漾漾遊魚倚
畫船幾曲鑑湖歸未得誰從樵徑入楓川

和倪孝廉惠筵韻

龍章鳳質正芳年况是風流古謫仙詩有錦囊驚駭
駢賦成羽獵震樓船金葩映月啣青火瑤草籠雲燦
碧烟老大自悲膺謬許看君香袖傍經筵

其二

甲子浮沉數十年寧知物外有神仙空山深雪無閒
屐細雨斜風不轉船百斛明霞千日酒一谿皓月五
湖烟携君題扇遊春去應有瓊花入舞筵

贈孫隆津先生

舊稱三館竝人豪誰識龍驤有鳳毛八斗雄才騰學
海十行飛翰落銀濤傳家河洛唯圖史報國風雲豈
韃橐壯志少年真莫及看公燈下辨秋毫

報國寺送別陸鶴田年兄

古院幽房春色深明牕虛白淨無塵閒聽松徑蕭騷
韻夢逐谿山羽化人

時久候不至因臥

世事本同棋劫勢後

緣誰效劍鏗身此心報國難於語唯有江風動遠
尊

其二

客路關心寒食天征袍新拂御爐烟壯思直折朱雲
檻遠畧誰先祖逖鞭柳色未堪持贈日梅花應有共
看年國門悵望遲歸去莫笑同官畏左遷

寅春同項眉山舫次作

一春幽雨閉柴門偶踏晴郊望遠邨幾處烟雲開夕
照誰家樓閣欲黃昏有懷不盡菰田月無句堪收杜
宇魂獨憐埋骨青山者盡是巫衡兩岸猿

吳興贈農部張平子同年

升斗年來寡宿春攤書擲管謝饑容君今寸楮踰千

石况復持籌握萬鍾羣喜黃梁頌吏俸誰憐紅粟困
吳儂太倉碩鼠毛如雪不信江南歲有凶

送臺長楊筠湄同年之川北
誰持虎尾探龍鱗鷲鳥孤飛未有隣馬首梅花憐路
遠方舟巫峽聽猿新平盧若不移蕃將劔閣何由念
逐臣自古忠謨難見許至今渭水咽三秦

秋日登霜肅樓

凭欄一望忽驚秋落照催帆載客愁鴻雁欲來風力
勁霜螯初剪月華流山人老矣同癩鶴機事忘之狎

海鷗百尺祇今誰獨臥夢邀天姥作清遊

送臺長陸崔田同年

腹中何物合時宜祇有封章重鼎彝一自遺弓墮龍
鬣肯憐諫鼓失鱗皮直聲初落溜青胆騷雅驚推屈
宋脾 聖世求言無棄理知君直節待昌期

其二

誰是昌言獻替臣惠文柱後一時新偶懷棧豆緣
仁王不盡疎狂有老親敢諫未嘗投政府辟邪焉肯
避通津自逢姜桂摧頽後願釣桐江月一緡

巡視光祿寺獲覩 天庖敬賦

天家節儉古來無，玉食何曾列鼎腴。
蒟醬舊聞來大宛，蔗漿今祇賚昆吾。
禁巒簇簇惟臚臠，郵稻陳陳少雁鳧。
百爾在公師德意，莫愁下箸飾冰厨。

先春花

餘寒難禁向陽枝，傾動長安寂寞時。
香色未闌鶯燕報，雪霜將盡蝶蜂知。
已甘賞玩隨游客，不任攀緣謝小兒。
若向名園課羣卉，應將小景輯疎籬。

丁香花

黃紫紛紜鬪小妍，歌闌舞榭各嫣然。
餘芬每欲窺虛牖，艷態時能匿曉烟。
貫與騷人共楚沅，別存寒色傲幽燕。
閒齋酥雨渾無事，檢點春風似去年。

感舊簡嚴都諫灑亭

張角西都未破前，中原烽火達甘泉。
布帆信宿聯舫坐，襍被踉蹌抵足眠。
夜話不知江月曉，朝炊同泣濕薪烟。
亂離閱歷人多老，近事傷心又幾年。

其二

人羨黃門長夕郎，我懷舊事輒心傷。
君家玉樹蘭爲

質我有金昆錦作腸夜雪深深逢野市朔風栗栗共
溪航別來消息都難問空憶秋高鴻雁行

家園卽事

綠陰深處小橋通屋角桃花過雨紅戲拂漁釣隨釣
叟閒攜酒甕餉樵公攤書一臥當千石鋤菜三畦擬
萬鍾歲晚漸知幽逸事早完庸賦作良農

復東巖都諫灝亭

相逢猶記北征年同向臨平擁雪船憤懣咸思鳴素
箏悲歌直欲燬殘編亂離接踵身空老家國心傷淚

未乾此日封章應早上太平許我賦歸田

浣谿春曉

丹嶂青谿碧樹明春風不向錦帆生亂流夾岸趨孤
嶼箭筈通天倚石屏蛺蝶偶從籬外過鷓鴣常向竹
間鳴山家餉罷傭耕疾臥聽千峰瀉液聲

送孟素菴同年

不負靈岩一片石青眸兩載看長安塞翁得失非關
馬山鬼揶揄豈是官正好浮沉消歲月莫將去住變
悲歡已知幻態隨人意我亦乘槎走急湍

大觀堂文集卷十

暨陽余 縉浣公甫著

五排

河津晚眺

秋原鳴絡緯落日焰黃花渡口喧津樹漁舟動遠沙
草深嘗鬪鵲簷際尚留瓜河渚中流隱蕪城雨後斜
田家三四媪負子話桑麻

舟中思故園

小渚臨南畝平山帶草堂碧蘿春籜長深蓼晚紅香

倚杖田間水披襟雨後涼夜燈翻鄴架朝旭啓縹緗
竹翠環三徑松濤沸北牕臨臯聽落葉登臯眺湖光
日暝千巖紫霜深衆木黃漁火村原出林鐘野寺藏
淳風稀薄習地僻寡疎在市遠盤餐淨家樽麩孽良
種魚新荇沼飯犢灌陰傍棲鳥驚新月流帆抗夕陽
松鱸宐夜韭螯蟹挹巾漿晴雨農家樂桑麻社飲長
鷺鷗閒白狎鷺鶴散成行鼯鼠巢松栢鳴鵲隱豫章
亭旗開別業蕨筍滿山庄舊甕餘焦麥新炊熟稻梁
自知疎懶僻雅不任倉皇况復桑梓美寧忘蘭菊芳

途中偶成訓諸子

藏書粗足讀風雨更聯綿昆季相師友箴規悉聖賢
明膏勤續炷亭午戒鼯眠勉強追韓柳研思踵固遷
芟蕪開徑路藝苑出菑田窺豹斑非一書牛力以全
樹德思垂後清脩大爾前幸茲敦古義慎勿傲時賢
虛志摹先達良時砥就遷聿觀爾父志悵惋媿青年
文章如嶽瀆孳矻數川淵

壽周述安先生

萬壑澄流集千巖古木平秀恒鍾岱嶽瑞則啓長庚

武庫雄羣社文壇狎主盟雍遊征以鶚檄捧試維鯖
憤俗甘彈鋏拯時亟請纓度遼方著績橫海舊知名
露布初書檄天河忽洗兵辭榮歸樂道知足貴長生
劍里星文燦衣冠郡國傾徜徉梅氏里酣適謝公枰
花鶚分鳩杖芝蘭奏鶴笙惠流仁者粟祿逮野人羹
填笏烏衣巷喧騶朱雀桁紫綸飛鳳羽彤管錫龍
旌西署馳封重東床帶礪榮碧梧占玉潤青柱映冰
清採菊耆英會傳萸選勝行香含雞舌小籠放鴿翎
輕摘脆鱸堪鱸持螯飲若鯨朝光湖海曙夜月市橋
明人瑞來嘉爵天開有巨觥願公多貯釀著述等錢
彭

讀帝京篇有感

童鴻非附熱范叔豈辭寒薄味耽雞肋奇羞失馬肝
瘦腰方折沈華髻漸侵潘世路鏹蚨貴人情蚤蝨歡
輿臺蒙繡組僮隸厠蟬冠共畏機難捩旋愁絮耐彈
千金謀駿騎七寶製雕鞍姝麗填歌席瑯玕薦玉盤
黃扉尊獄吏執法避儒官燭跋侯家伎鐘鳴令史餐
注銓楊縮紬巧宦屈平難小冠非霍禹斗印豈袁安

萬石兒皆貴兩河力已殫曉鳥飛月殿仙掌入雲觀
吳楚分几杖袁鼂惜羽翰應侯初謝病郭令尚登壇
不見魚開府祇聞天可汗青門誰送客皇路集羣鸞
玉輦憐春草金魚厭伐檀古人如有作吾亦愛漁竿

五絕

河千秋望

鷺鳥寒飛急秋虫夜語惺山雲時幻雨河氣欲沉星
失物

一篋琴書興蕭然僕馬回何期梁上客鑽穴漫相窺
七月十四日夜臥夢中忽有人叩戶求詩予口
占應之

日日登高去朝朝採藥回寧知白雲外更有小蓬萊
元旦

栢酒年年熟桃符處處春竹聲催臘火新曆遇陳人
病中戲書

子瞻謫海南讀書常閉門凌晨啖飽飯努力罵章惇

七絕

思春禠作

杜鵑花發杜鵑鳴一段聲華愁燕鶯怪道東風吹不
去又移新月上孤城

咏百泉

空齋高柳夕陽天鎮日啣毫咏百泉果是名泉真有
約復教清夢到亭前

閨怨

數月蕭郎懶作書多應楮墨也相疎不然半臂温香

九觀堂文集 卷一
在難道文鴛逐燕雛

其二

昨夜秋山紅葉多
忽來愁緒蹙青蛾
枯枝尚有回春日
人隔秋風奈若何

其三

慙勤新月倍憐深
今夜金閨免著針
莫是廣寒先有約
漫搔桐露滴幽心

其四

玉釵嬌顫鳳香微
寒透羅裳漫剪衣
直待朔風吹雁

日定憐清露怯柔肌

有所思

道南竹舍綠牕微
每欲因香竊侍兒
忽聽枝頭烏鵲語
方思秋蝶醉花時

雨夜

夢餘新挹北牕涼
過雨芙蓉貼水香
閒思故園松樹下
清風瑟瑟沸山堂

平丘偶作

官如一葉可心憐
忘辱忘憂已半年
解組莫耽雞肋

大觀堂文集 卷十
味荷鋤應有舊區田

舟中二首

舟中遛緩漸成家日暮孤城看晚鴉
碧草長堤風影疾兩崖花鳥入牕紗

其二

西風寒雨入金沙丹葉蕭蕭半荻花
舫裏圖書真作友艦邊湖岫盡堪家

夏夕納涼

炎威消散竹方床深挹寒柯貯月光
曾是疎林剛伐

後誰封綠雨寄幽涼

題畫三首

古幹虬枝碧露灑拂雲翳日近篔簹不從孫
綽庭前植何地携樽對夕陽

二

萋萋灌木舊成行愛樹思人孰忍忘
屢詢姓名終未得維瞻風韻憶蕭娘

三

肥瘠非關問稻梁清齋曲檻氣蒼蒼
扶疎絕勝青牛

大觀堂文集 卷一 梓淡遠應資雀舌香

冬日懷 二親

小院梅開月滿林
杖頭沽酒百千頻
偶懷五斗疎三
逕不及雙童侍
二親

奉和靈屏禹和尚鑑湖十絕

戊午三月

偶携瓢笠上谿船
恰是山庄筍簌天
數點青峰如舊
約自收烟雨供金仙

其二

夾岸浮光麥浪鋪
新晴疑對輞川圖
巖雲澗瀑誰相

餉唯有樵風送笠夫

其三

躡屐秦巔賦采椒
幾年瀏覽首空翹
非移烟艇南塘
去安得爐峯波際搖

其四

鶯遶園林水漲堤
望中芳草正萋迷
登樓一笑渾忘
却日午濃陰乳鷲啼

其五

松廳飛處見山陵
欲探梅梁只幾層
萬國衣冠漫花

草夕陽亭下更誰憑

其六

路迴風曲恣幽探杖屨從容拾翠嵐謝豹聲中催急
雨自擎荷蓋渡溪南

其七

林麓披尋屐未休山村過雨氣全幽迴舟更溯清遊
地支許於今距幾秋

其八

一曲明湖水拍天嘯禾閣上興悠然野航短棹歸何

晚自喜疎慵累亦捐

其九

小橋風月竹波清道侶同心水石情船載生公看花
雨黍田應可寄浮生

其十

每嘆巢由亦買山脩琴賣藥幾時還高齋未踐雲門
約擬向秋深共躋攀

再和靈屏和尚鑑湖十絕

陸居非屋水非船汎宅浮家小有天不是道人初幻

大觀堂文集 卷一
住雲中雞犬舊稱仙

其二

雨後千峯翠色鋪白雲深處見浮圖隔湖時有樵聲
至應是山中煮石夫

其三

久緣棲遁陟山椒皎可同時孰楚翹肯負初晴巖壑
意夜來風雨正飄飄

其四

百丈斜牽過淺堤亂流滌渚竹深迷南村桑老秧抽

節只慮墻頭布穀啼

其五

閒隨樵牧望園陵嵐翠空青尚幾層每拊松楸懷舊
德宋宮遺蛻更堪憑

其六

眠雲釣月可曾探宛委排青嶼遠嵐幾點沾衣山氣
濕一帆梅雨過城南

其七

欵步谿橋且暫休新篁灌木坐生幽潺湲聲冷松濤

九觀堂文集 卷一
集初夏披涼似素秋

其八

飯犢籠鷺夕照天農家耕饁自欣然嬉遊竟日從名
勝說與閒僧盡可捐

其九

沙鷗海雁志偕清槐火新泉最有情贏得滿舫峯壑
氣鶴癯松偃足平生

其十

賀監門前無數山相連不斷送舟還歸來又憶胡麻

飯策杖何時更溯攀

冬日憶吾邑梅花

行過楓川到鐵崖乾溪十里盡梅花先賢漫許山陰
道爭似寒香竹屋家

雪後舟中偶吟

柔艣搖烟過小橋老梅橋畔發新條滿溪流長三
尺知是西山雪欲消

其二

月滿疎林雪滿橋小舫携酒看新條寒香幾處流雲

水臥抱西峯影欲消

秋日坐孫道士小園

寂寂殘紅度晚香青藤零落荔枝房一年美景看方好又惜空林落葉黃

其二

道人何事也閒忙引棘編籬護海棠採葯歸來癯鶴在黃庭三過月昏黃

其三

河洲小雨近晨光臥看鷓鴣狎水旁手種青藜今自

老誰從物外辨蒼黃

其四

小苑淒淒百卉芳虫聲歷歷瀨聲狂西風似解憐花意吹落胭脂菊又黃

讀史

世事渾如過隙駒循環追琢鏡中癯也知氣燄難常藉爭奈相驅不自需

贈釣叟

水族紛紜萬類觀相持鴈蚌恣人歡雖然鷗翼奢於

大觀堂文集 卷十
三
畧怎若青谿日一竿

春日登古博嶺口占

峯卷雲深路漸晞
悄聞竹露滴松扉
野人家在鹿田
外水碓年年響翠微

戲嘲新粧

蟬鬢從今又異粧
牡丹燕尾共牌坊
檀郎應好宮中
髻添得寒雲幾尺長

偶題

樓船車騎竝封侯
麟閣何人最上頭
應念十洲三島

外餘艖何日散貔貅

初入朝志喜

重來振策鳳凰城
爽氣朝浮翠靄明
燎遠不煩通姓
字押班知是舊公卿

春日憶浣谿

白苧青蘿淥水村
琅玕搖曳翠霞翻
小牕夜靜無人
語犬臥花陰月滿門

又送長源

除書方下忽南歸
知爲花間試舞衣
今日青門須痛

飲好看宮樹暮鴉飛

送蕭長源封君

杖履南軒鶴髮翁濟人千億不言功故園倘作壺公
夢手自書方解藥籠

七夕雨

戊申

蕭瑟西風絡緯鳴濕雲如墨罩簷甍中宵幾點纖纖
响疑是天孫機杼聲

蕩陰署壁和韻

乍聽新鶯柳外啼苔痕深與落花齊一雙古栢春陰

靜夢到家園日未西

其二

小軒暫爾息勞人怪石踈花興自親但願青谿明月
夜醉同魚鳥託閒身

題筠涓近事

時筠涓已舉
子喜而志之

匹馬長安只幾年終風狂吹入西川錦城寂寂峨眉
冷歸抱佳兒種石田

考城涉河

河渚帆檣柳岸村東明春色接東昏平原樓閣雖如

許只聽簫聲欲斷魂

偶題畫石

砢磊孤生不記年
澹於秋菊冷於泉
自緣不肯因人
立兀兀常蹲泰華巔

憶舊

市門花草越谿船
雪夜清樽又幾年
檢點故園松竹
在飯僧休惜鑑湖田

何蕤音寓中珠藤花口占

家在深山薜荔中
藤花歲歲映溪紅
只今偶見枝頭

色遙思山居紫萼同

絲蘭亭至花街

山在空青泉在幽
小禽鳴答自生秋
綠谿綠雨松亭
路百折雲根翠欲流

中秋前一日姜定菴京兆招飲石芝堂時桂花

盛開眺賞竟日乘月醉歸漫成寄謝六截句

露華朝滿夕襟涼
載月盈車與未央
洵是主人能好
客擬將觴咏答秋香

其二

方池搖漾木蘭舟影入西軒翠欲流指點新詩謝峰
壑暮霞秋色寄輕鷗

其三

郭外青山遠翠微惜花亭下看鴻飛亞枝莫許頻攀
摘尚有看花人未歸

其四

小山清賞乍留人曲誤周郎顧亦頻花氣不隨歌舞
散夢回猶似臥香茵

其五

曲檻朱欄映碧湖登臨如入輞川圖山中亦有千章
桂可似名園數種無

其六

秋山爽氣逼城隅榭葉蒼蒼媿柳蒲怪底姮娥能竊
葉酒酣空撚白髭鬚

蜘蛛

披星對月夜無眠組織勤勞殊可憐不會網羅天下
士經綸滿腹亦徒然

聞同年陸侍御鶴田釋繫志喜不賦

埋輪往事詎堪論此後應知獄吏尊不遇
聖朝頻
祝網南冠何地籲天闈

和郡司馬讌客作
山閣官梅昨夜開月明應有故人來高齋治饌原如
水未許寒谿雪棹迴

閨嘆

門闕蕭蕭荆布風願師德曜佐梁鴻挑燈夜坐聽雞
喔不羨鴛帷醉夢中

石榴書屋

并序

石榴書屋者明天下士徐文長先生之故居也按
先生集中有生於大成巷東石榴樹下之語則書
舍洵誕育之區耳頽然數椽篠竹叢生昔屬隣友
金子子弢讀書之地今予僕爲小齋每歲榴花盛
開嘉禽時至頗有幽放之趣竹几木榻寄傲閒牕
一帙四聲猿直足憑弔千古不唯漁陽摻搗淵淵
作金石聲也

竹牕幽雨日瀟瀟上有紅榴艷未銷獨臥空齋無個
事幾聲鶯語滑芭蕉

續和古紅葉

千章宮樹映蓬萊丹紫新芳旅雁來聞道古人題葉句可會賡和有僊才

其二

秋葉紛紛下玉階疎桐涼月祇生哀年年寄葉隨波去不見詩題去復迴

合夏日口占

蕉葉清颺羨五羊嚙城管履更輕涼支筇翠竹疎籬下藉草攤書樂未央

登樓口占

神仙自古好樓居我亦登樓讀道書夜半樓頭忽長嘯神仙原屬道之餘

山寺初秋

絕頂新秋生夜涼鶴飛松露滴衣裳前村月焰半江水僧在翠微開竹房

偶書

一言不與時相合歸臥礚谿釣玉璜千里長風牽客思一天明月焰新橙

醉歸玉泉院

月黑松深古道斜
醉逃山徑問山家
老樵不答微含笑
道有梵音是法華

孫男

懋榘 懋棧

全校錄

大觀堂文集卷十一

賦

擲菓賦

暨陽余

縉浣公甫著

景屆三陽百卉芊麗
鸚乍轉於上林蝶初
逃于太液
潘子安仁於是擁翠
蓋吹玉笙乘紫駟之
車鳴白鳳
之箏面施何粉扇拂
庾塵覽平原而膺膺
感洛樹而
森森草色青乎一幕
宮殿鎖兮千門錦雀
响而綠深
蒲荇海燕至而花滿
河村陰潮帶月天浮
白雲嗣宗

倚笛而哀嘯仲宣登樓而撫琴日暎暎以頽客風騷
騷而冷襟登阜舒裾幽花襲人瑤珍山列壺觴勞春
罄邈思於瀏覽寄野適於清音乃有豪華貴客甲第
佳人鬪芳艷於一刻縱裘馬乎千金變童御轡季女
含櫻聚紅兒而野舞擁青娥而泛樽觥疊旣具秘戲
雜陳或拂繡撚芳眺歸鴻於朝浦或遺簪墮珥醉藉
草於斜曛歌穿金石光奪錦純於是飛黃互馳雙鬢
交錯東郊則璣瑟填原西垞則珠琲墜落爭選勝於
如玉之人競喬盼於盈秋之日行固驚疑坐皆愕作

顏儼菴菡之乍舒體似芙蓉之艷發初泛蓬萊之宮
再犯廣寒之閣方且展素腕揚柔腋探閨苑之桃英
摘浮丘之李實望玉山以命中指鈿車以遙擊初驚
博浪之椎繼駭支機之石或懸俟其中堅或誤投其
副轂旣愛之子而樂親又憐卿卿而中格磊磊乎車
滿七香離離乎星紛四軸瑤核虛而驟盈瑤幔舉而
受益劍南荔子淮西柚橘膠東之梨棗千筐冀北之
松榛百斛又有西涼葡萄越邛嘉粟析龍眼之房剝
雞頭之肉裊沉香於木奴締蘭心於花客方是時也

崑崙駕驂而徐還綠珠迴鞞而弗急石季倫自媿癡
肥舉扇徐徐賈公闔空負勲華家姬啞啞荀鳴鶴貌
不副才陸士龍神遜其質出千門之後少曾半菓之
不及或按轡而踟躕或停輪而太息乃有洛陽僮父
踉蹌鄙僕朽木爲姿漆身爲積齟齬揚眉縮頸攢頰
跳躍而前如有所逐踵後車之末塵希道左之餘馥
條焉羣姬改容衆嫗作色環珮無聲瓊玖斂寂見者
唾面遇者辟易惡效嘖之不情乃羣餞以瓦石吁嗟
委頓而返知美醜之殊觀洵愛憎之畫一矣

七夕賦

昔維孟秋律應彝則庭墜梧桐堂鳴蟋蟀感時序之
推遷傷光陰之迅疾賓鴻初至嗟大火之西流烏鵲
來歸驚長河之曉沒長生殿裏瓜果徒陳太液池頭
花旛虛集苟有靈之可祈亦何巧而不乞若夫赤龍
南去青鳥西來恍惚天孫之渡踟躕帝子之回夜半
無人應凭肩而密約天門洞啓豈握髮以低徊偷蟾
窟之微光嫦娥生妒遲金波之蚤起羲馭難違綵綃
織罷愁之子之無裳霞錦鮮明解伊人之雜佩聽沉

沉之銀漏拂燦燦之珠裊雲冉冉而不停風瑟瑟而
難醉露霏霏而未結月皎皎而將墜金雞喔喔聞闔
將開珠斗明明黃姑造退誠僊人之佳話亦天間之
良會是耶非耶吾不得而知之真歟僞歟天何言而
問哉若乃揮手謝時人白鶴猶棲於綏氏珍廚來侍
女赤菟方降於猗蘭犢鼻空懸漫托詞而免俗腹書
方晒知仰曝之未堪唱步虛兮數曲結錦樓兮未還
金梭擲而明星爛五采開茲繡幄清商奏而曲宴酣
八寶獻自雲鬟至于支機片石携來博望之槎河鼓

一星誤入瓠瓜之位蛛網綴流黃百子池每奏于闐
之樂宮香焚百和承華殿猶瞻雲輦之帷百尺嵬巍
慷慨柳州之賦五雲杳渺淒清宋玉之悲天與水兮
一色風與月兮九垓七針穿度洵秋水之爲眸五彩
緣衣知神光之獨靄拜而仰焉重良宵之非偶靜而
俟之冀私願之如懷俗情聊復乎爾耳天象亦近乎
俳諧余子才甘迂拙性乏風流旣瑤琴之永折亦冰
弦之難再高秋爽氣暑末涼颼如瞿瞿之孤鶴躑躅
空庭凝脈脈之雙瞳翹首高齋是夕也萬籟無聲疎

星磔磔斜月幽輝淡雲無跡林影未稀砌蛩乍啣草
堂原無紅袖椎髻唯勤紡績偶憶遺文悵然太息豈
天道之神明抑古人之誕譎焚膏續炬隄麋不律乏
司馬之工類韓非之吃箴伉儷之多情砭痴迷之圭
石羗仙楫以爲媒毋愛河之終溺嗚呼此固達人之
所稔知而未必非愚者之一得

右賦二首尚未脫稿於故紙中獲之沉雄瑰麗光
彩爛然已入枚馬之室蓋先大父垂老作文搖
筆如飛不自收拾故散佚甚多苟非此文之精光
不可漸滅將付諸祖龍之燄蠹魚之腹矣然則文
章之傳不傳亦有幸不幸之分歟

孫男懋杞謹識

詞

如夢令

麥浪遠翻綠雨汀葢近飛紅
小樓簾影空閒聽柳塘天鳳
如夢如夢月下胡床三弄

前調

柳禿桑椎何似綠淺紅稀
到處長堤車馬遲祇有江
天雲樹凝睇凝睇小雨楊花
貼地

搗練子

雙調

雲正澹月初濛斜風清露隔簾櫳
夢入春山忘近遠

依稀人在老人峯
舫兒小浪天高小橋烟雨只峯
杪欲探漁村華滿屋間看谿女泛蓮橈

憶王孫

雙調

日暮春山烟雨中眠花籍草託園公輕薄羅衣不耐
風夢歸踪覺來林影正籠葱
誰家寒食薦櫻桃紫
燕飛飛語漸高又是河村月滿宵望青郊今夜樓頭
孰度簫

長相思

雙調

風滿船雨滿船白丈愁牽樹影寒閒愁付碧湍憶今

年似去年紅亭花草近江南荷衣帶欲寬
燈已昏
月又昏暮雨春江酒一樽樵鐘遠寺聞花影深柳影
深欵乃輕謳總斷魂前路鷓鴣村

生查子

條風浥花枝冉冉垂香露自怪撚花人花信爲誰誤
河上碧草芊江外寒山暮但憶夢中歡尚念閨中
婦

菩薩蠻

憶舊

江州昨夜琵琶泣又聽杜宇啼寒食寒食對桃花春

風第幾家 家臨桃葉渡樓外青溪暮吹動晚風寒
花間夜合歡

前調 五洩憶遊

青峯碧澗藏山寺芒鞋竹杖穿雲處雲外石泉香松
風戛戛涼 萬山飛瀑布總是溪樵路谷口遠鐘聲
歸來月到門

點絳脣

竟體叢蘭霓裳一曲雲鬟亂記得當年湘水征鴻斷
洲外木蘭聯接芙蓉岸甚芳華移星物換間倚朱

欄遍

前調

舌底青蓮憑誰話出生香面小小巫峯神女朝來現
春報海棠到得紅如綫待携手錦堂深處私語梨
花院

醜奴兒令 春景

杜鵑花下連纖雨梅子枝頭落紅時候誰展屏山上
小樓 凭欄閒看鞦韆久鶯燕輕遊粉蝶狂愁海棠
睡足應添瘦

前調 秋景

寒山萬樹紅江表霜柿新香橘綠橙黃蟹螯初薦林
漿涼 故園此日東籬下菊吐鮮芳莫負重陽應有
茱萸笑欲狂

西江月 嘲李韋夏

萬樹楚烟雲際一波秋月眷間寒宵風雪侶嬋娟絕
勝廣陵鶴院漫道情癡於彼敢云我見猶憐方山陳
子乍逃禪拄杖青藜任便

河滿子

趵突泉訪白雪樓故址

白雪樓李于鱗先生故居

而今成廢丘矣

策杖小橋欹坐谿聲隱隱南洲木末斜陽峯數點天
光雲影悠悠香滴松亭疎雨風洄竹屋新秋 萬斛
明珠飛湧一池清玉環流羽客謾矜黃鶴跡問伊何
處西樓耳畔明明白雪眼中寂寂榛丘

踏莎行 咏柳

高樹噪新蟬低枝更妍黃鶯滴翠畫橋邊過橋總有
深林處攀折堪憐 遙對夕陽天垂絲黯然栖鴉點
點碧牕前樓頭誰是傷心地墟里孤烟

減字木蘭花

小檻拂河汀輕橈去不停岸莎鴛自落遙望千檣泊
新月照江明秋潮暮未平茫茫烟水路郎去頻回
顧

前調

柔條那許折蟬蛩聲清絕鶯語畫橋邊聲聲翠可憐
寒山開暝色遠艇歸帆疾竹徑遶柴門黃昏欲斷
魂

臨江仙

恭祝李大司馬大壽

鶴髮朱顏開劍履乍迴江海長城一簾秋月映濤明
西風叢桂日千里凱歌聲十年西子湖頭夢此宵
方賜長庚萬家呼酒慶良辰年年期岱嶽新礮似潮
生

江城子 辛酉春日探禹穴

小舫溯影入清溪花滿隄竹滿籬誰家樓外簾捲夕
陽西記得前春橋上月殘雪在鳥空啼殘碑已斷
古亭欹澗松低暮雲迷梅梁去後幾度燕巢泥爆竹
一聲千嶂裂歸棹緩數峯移

青玉案 天鏡園

江雪乍消春色早一夜園亭花老扶醉欲探芳草谿
山有約前度劉郎今夕重來掃少時挾客山陰道
有曲徑草堂多繚繞嘯禾一閣千岩曉物換星移曾
幾何時難道都頽了

滿江紅 秋水園

卽南華館故友張登子別業也昔年登子邀賞頗稱暢叙今登子宦遊卒于閩其嗣奉檝歸殯于斯春日遊賞至此憮然而返作此志之

第一園亭賞心處忽然腸斷却野梅小落芳草天新
數峯晴雪斜陽遠到處春流溪影亂問當年社侶幾
人存如冰泮墻樹顛乳鳩喚小橋邊漁舸半嘆山
陽吹笛馬策扣扉樽前淚落故人詩含悽漫向西州
岸便熟讀南華鯤鵬幻化情誰遣

孫男

懋楠

全校錄

大觀堂文集卷十二

暨陽余縉浣公甫著

書

答職方魏子存書

時余有密疏條議闕事奉旨樞部密議而子存為職方

郎辱書垂問

弟蒲柳賤質偶涉風寒幾致不起雖邀庇稍痊而肩門下箔猶煩擁衾衰憊至此猶戀棧不去真足供親朋捧腹也兩承榮顧竟失倒屣罪極罪極伏蒙翰示知台臺借當事不鄙小疏為妄言而細加採擇兼以

土客二字之義俯詢芻蕘數十年來位樞府者曾有
才大心小虛公下問如今日貴堂司先生者乎弟病
中披衣起誦不禁淚下蓋深感爲 國之誠而知已
之懷亦係之矣弟思近日閩兵經制之中雖多土人
然入伍旣久與西北人何異唯是投誠者尚恐鷹眼
未化雖與經制合營猶慮有相軋之勢故不欲使土
多於客者此也台臺通盤打算派撥均停之說此正
弟意中語耳弟旣令合營不便存經制投誠之名故
祇竝稱土兵客兵云至於彼此更調固難猝行然遷

移以漸俾此曹不識不知非唯爲 國家曲徙之遠

謀而此輩遂安生業永無鋌走之虞亦所以全此億

萬降卒也台臺救時弘畧運用之妙非淺近所窺敢

因明問所及復申芻說唯望鑒裁詳覆俾芻蕘之言

稍裨海瀝則叨庇弘多矣

書內稱當事者合肥龔先生時爲大司馬子存之札

答制臺李鄴園書

昨歲詣臺恭謁適緣薄冗放舟遽還未獲細領鼎誨
迄今歉悚治某年來衰病日侵跼躄委巷未克時覲

清光乃仰藉齒芬屢承青盼銘切種種詎楮墨所能
鳴謝吳門之役原擬勉力北上因痼疾驟發暫懇轉
谷刻下稍有起色當俟明春載馳矣堂翁老祖臺勲
垂千禩名播九彝匪止百越三吳咸資保障東南半
壁實藉長城將來端揆虛左胙土肇封正有無限
恩膏爲蒼生錫福者雖清衷殊勞安可已哉惟祈爲
國自愛以慰羣望幸甚幸甚過蒙台賜媿不敢當謹
登調羹一種以志高厚嗣容申謝不盡臨復戴切

上座師胡閣學

自午秋分闈共城曾具手奏託典試張主政附呈閣
下想已晉台覽矣平丘以彈丸小邑久罹河患災苦
之情總難殫述而某才劣命奇撫字催科兩無善狀
加以二親衰病日夕倚閭望某歸養繇此方寸縈亂
犬馬之疾彌甚唯冀及早解綬獲荷鋤耒以資菽
水而已籬落蕭條永夜無寐念及閣下二十年造就
之恩未克少答涓埃蛩然內疚而一行作吏百事瓦
解卽欲勉自奮勵以無玷門墻而不可得可奈何哉
河道方公極推培植之誼諸事弘庇但大工未竣物

議紛然卽欲爲某陳情甚艱於力耑懇老師俯鑒鼎
致撫軍亢公俾某以微疵去官釋此苦累倘存蒲柳
之軀以俟葑菲之錄是在始終培養之盛德矣

上青壇成相公書

壬辰
座主

自巳冬謁辭閣下抵任巳兩閱歲矣殘邑奇荒從役
稀少未獲虔候興居疎節之臯切切夢寐如一日也
平丘自罹河決五載於茲城郭值其首衝田廬皆成
澤國某寄居村落滿目榛蕪茅屋數椽之外日與魚
蝦麋鹿爲友而已兼之地畝巳泮賦額未減一二遺

黎逃亡相繼才劣運奇素無撫字之術積憂勞憊遂
成錮疾二親衰髦遠在江表倚閭之情慘慘心疚婦
穉伶仃糊口無策思欲挈之官舍又以道遠不能種
種苦累不能盡述想閣下兼覽廣諮雖門人下吏之
情靡不洞悉也某雖遭遇蹇困頗思自愛以期無負
門墻而邇來奮勵無絲身名交困遂思解綬歸耕以
資菽水倘蒙閣下始終造就鼎致片言於當道俾某
曲遂羔烏之私倖存蒲柳之質卽以微疵去職所最
甘矣如異日更蒙葑菲之收則尤藉老師之弗遺也

上孝源王太史書

某自辰歲謁辭南歸已冬赴選都門已有手稟託劉長班賚投想已登台覽矣不期命數坎坷值此荒殘異慘之邑寄處蓬藿子然無羣兼以屢歲奇災胥役逃竄屢欲擷一芹代候閣下而環視左右無可屬意者是以濡滯良久疎節彌甚唯昕夕翹首長安側聆榮問而已夏杪晤祥符孫門生始知老師已於夏五入都卽擬耑役稟候興居而河干一切諸務蟻聚蝟冗竟無頃刻之暇奔馳遣名有如郵卒思人生一行作吏未有困辱如斯之甚者而某倍受之詎非才謏命劣爲昔生之果報哉其餘淒涼之狀諒胡馬諸門生已述陳一二不敢贅瀆唯望老師始終玉成或於中州當事諸公附致鼎言俾獲旦夕以微譴解綬異日另爲提拔之計則蒲柳之軀尚不致溘先朝露皆師臺委曲培養之賜矣

致戶部曹正郎書

某自己冬獲奉教言今已兩閱歲矣以謏劣之材承乏奇荒之邑催科撫字總無善狀幸賴弘庇尚獲瓦

全然白河患以來城郭久爲蜃窟田廬悉化波臣職
寄處村落孑然無儔愴心蒿目之餘轉成痼疾近得
家問知二親衰髦菽水無資八口饑寒較甚疇昔緣
此方寸驚亂犬馬之疾彌深又兼密邇河工奔馳困
憊無館郵之區而輪蹄如織乏廚傳之供而飲食若
流諸事總無米之炊動足有綆短之懼而一種最惶
怖最憂迫者無如衝決地畝一事按封丘衝決地若
千頃有餘自七年迄今累經撫軍具題蠲免逋賦固
已邀國恩之浩蕩矣但現糧雖免而賦額猶存若河
工一竣例應按畝起科嗟此六載黃流之區窪者已
爲巨浸高者復成飛沙若沮洳未涸遽事追呼榛葦
未芟便期輸納將流亾者益褻足不前而泥塗遂成
甌脫矣職日夜颺颺念叅罰固所甘心而國課民生
奚以補救刺心棘手進退隕淵惟祈台臺垂念昔年
同譜之諛留心拯濟出此窮黎於湯火之中或鼎致
中州當事俾職早咏歸田克全薄植雖以微譴去官
釋茲重累皆盛恩所培溉矣叨恃高厚敢布下情唯
望鑒宥曲成可勝感慰

孫男 懋梧 懋樞 全校錄

大觀堂文集卷十三

啓

迎新任分守大梁道王啓

暨陽余 縉浣公甫著

伏以鈞天法紀牙章回玉律之春重地台符繡節壯
金湯之色光與山河竝重聲維南北交歡負弩先驅
拜箋恭迓恭惟台臺中山德曜汴水福星武庫肅西
陸虎豹隱長城之望文昌臨北斗熊羆儀盤石之楨
紫氣遄征來自六龍闕下黃麻促名佇看五鳳樓中

九觀堂文集 卷十三
鸞鷲至而鳩燕咸欣麒麟遊而駘駘竝奮矧屬若木
旁蔭之下敢後日葵傾向之心某草茅陋土區豆瑣
員夙仰龍光唯祝星言之駕今瞻鶴馭益深斗戴之
誠知恩隨六轡以咸臨唯心附五驄而竝騁敬函芹
素代申竹馬之忱跽奏花箋肅迓錦騶之盼

迎新任豫臬臺王啓

鳳綉騰輝日下叱春陽之馭麟符耀采天中仰冬曝
之曦慶洽花驄歡生竹馬恭唯台臺三晉景星兩河
福曜撐腸文字摻二酉之淵源滿腹珠璣灑九天之
雨露令譽久聞於斗北新聲早播於天南唯臬府爲
綱紀要樞共推偉德以司明允繫中州實蕃宣重地
特簡碩望以副澄清從此褰帷嵩雒立瞻桑雉風清
行且攬轡沙堤會見鳳書雲擁某材同襪線技媿鉛
刀夙仰龍門慚未執鞭於後乘今瞻鶴馭益圖負弩
以前驅雖匏繫河濱未適迓騶之願而葵傾岱右實
深望冕之思謹肅緘於花旗爰致忱於星駕

迎新任驛鹽兵備道郭啓

虎節秉清風瑞煥嵩高之色熊車隨化雨春回河洛

大觀堂文集 卷十三
之郊慶六轡之著鞭先八騶以負弩恭唯台臺冀都
鼎望豫省台躔夙典禮樂於春官六寓仰文昌之麗
今肅紀綱於屏翰千官瞻武庫之雄才擅兵農知甲
冑耕桑之竝奮政兼鹺郵適鹽梅舟楫之咸庸顧叱
馭方新榮映芙蓉之札值寒帷伊邇歡騰芍藥之班
某術慚製錦才媿烹鮮瞻繡斧之遄臨久擬執鞭乎
後乘屬袞衣之蒞止未能握鞬以前驅翹首雲霓倍
切兒童之竹馬傾心斗岱豫擬劍佩之花驄謹摠赤
於芹函懇垂青於葵素

候布政司修入 覲啓

龍光燕喜四郊瞻赤芾之同鸞路鏘鳴萬國榮彤幃
之錫期已殷於晉玉慶方兆乎賜金諛切瞻嵩情依
戴斗恭惟台臺三韓人瑞兩泐福星司屏翰於天中
河雒煥圖書之色馳軒輶於日下山川滋車馬之輝
明月一軒何假乘黃服皂清風兩袖無煩羽葆朱旛
茲當貢金九牧之期適符華袞三旌之會籍戶口以
登天府預知宴衍之未晞課吏績而陟金門羣美內
留之有日從此三公冕服頻沾御案之香一部鼓吹

獨拜綸音之渥矣某昔隸編氓今叨屬吏媿庸才之
鳩拙久荷夏旻邁盛遇而燕欣感懷冬曝瞻駉駉四
牡遙知鳳詔飛來美燦燦三英會見龍樓踴出未能
巾脂僅貯鵷鷺之儀聊具脯脩薄效螻蟻之悃

賀驛鹽道楊榮擢冏卿入覲啓

鳳書寵錫兩河手額乎喬遷龍袞榮披百爾歡呼於
嵩祝慶溢仙登之隆遇感深斗戴之微忱瑞應三鱣
敬陳雙鯉恭唯台臺雲中彩鸞天上祥麟夙秉冰衡
桃李成蹊於絳帷今司臬憲蒼蒞屏跡於丹書清蹇

政而狐鼠化爲騶虞蘇郵困則鳩鵲盡成貔虎鹽梅
舟楫兵農擅肆應之才牝牡驪黃英俊羅八紘之選
固知黃扉紫閣久虛左以待雁驂果見彤冕朱幃遂
推穀而登麟闕乃榮膺晉爵之典適恭逢輯瑞之期
搢玉萬方共瞻依於赤芾貢金九牧實交美乎元纁
從此日傍龍顏香滿清風之袖雲移鶴列光生珂珮
之聲矣某才慚蹇駑力愧康莊幸竊乘於馳驅借陰
鶴蓋屢邀恩於湔拂謬附龍門方希廣夏之庇臨長
依冬日忽覩金甌之早上彌戀春風雖臥轍有心莫

九觀堂文集 卷十三
罄蟻忱之結而執鞭無策徒深鵲躍之歡謹尺素以
申衷附寸芹而志感伏唯丙鑒可勝庚瞻

祝張學臺壽併擢太常寺少卿啓

鳳書來太乙文昌呈南極之輝麟冊授金華魁壁耀
西崑之氣幸籌添於海屋敢觴祝乎嵩高恭唯台臺
前身金粟當代瀛仙桃李映龍門河洛之圖書炳采
瑯玕生鳳圃梁園之翰墨增馨昔司秘閣文章獨探
上林春色今典明堂禮樂羣瞻金馬清光顧五色雲
移瑞甫占於月母乃雙莖芝秀福更洽於星精唯嶽

誕之生申適鐘鳴之應子慶臻算鶴何啻六甲周天
德應杖鳩行同五嶽鎮地矣某弱類柳蒲唯切栢松
之蔭材同樛櫟幸依椿樾之光夙仰天祿菁華心儀
藜杖今覩承明瑞靄氣望芝函欲揚觥兕以鳴禧媿
乏脯麇以晉祝雖寸芹尺菹聊倩力於東風而夏藿
冬葵實傾心於北斗唯冀丙鑒可勝庚翹

祝兵巡道佟壽啓

金飈應曆麟書偕鳳詔以呈祥玉杵澄空鶴算共鱣
堂而竝瑞百爾沾河潤之惠億庶歡嵩嶽之靈願放

九龍堂文集 卷十三 五
鴿於金籠佇錫鳩乎玉杖恭唯台臺三韓人瑞兩浙
福星建藥閩南草木胥登壽域仗旌汴左山川咸貢
苞符十七世宰官身前因金粟八千歲真種子果誕
星精茲者序值生申瑞逢月吉銀蟾秋漢光開南極
之祥桂影涼葩氣洽海籌之應人慶五雲之捧日羣
荷燕欣佇看六甲之周天敢忘鶴舞其弱類柳蒲唯
竊栢松之蔭材同繡艾嘗依椿樾之光歡占鸞馭奇
徵媿乏脯麇以獻瑞幸仰龍光在望敢稱觥兕以鳴
禧一緘豈擬於珠函三祝爰申乎霞綺唯願福躋長
生齡踰月母萃東風之力斂五福於箕疇貫北斗之
輝咏萬年於樂只從此大年上壽翰邦基者億萬斯
年會當駿德鴻功歷中書者二十四考

祝朱太尊壽啓

雙熊麗軾紫暎光映麟書一鶴携樽芝緘榮飛鳳詔
幸湛露之初溥荷海籌之數添晉履星瞻持觴華祝
恭惟台臺瑞鍾鶴湖神標鶴岫來暮羣歌五馬先聲
已集三鱸汴水風清躋三十四花封羣登壽域嵩高
雲麗偕七十二圖籙咸著升恒茲當月朔之辰爰值

生申之序八千歲真種子歲侶星精十七世宰官身
前因金粟銀蟾碧漢祥雲映牛女之光桂影金風涼
襟動軫翼之宿人慶五雲捧日玉杖鳩生佇看六甲
周天金籠鴿放凡蒙臨炤咸效燕欣矧渥帡幪敢忘
鵠舞某弱類柳蒲時竊栢松之蔭材同樗櫟嘗依椿
樾之光欣占鶴算奇徵媿乏脯麟以獻祝幸仰龍光
在望敢稱觥兕以鳴禧一緘豈儼於珠函三祝爰申
乎福履唯願果益長生占踰月母東風齊著力歛五
福於箕疇南極著重輝俾萬年於君子

祝分守道張壽啓

青鳥啣書瑞映朱陽之日絳桃洽節祥徵海屋之籌
勲名偕鼎呂爭輝祿壽與嵩華竝茂敢持觴而奉祝
爰晉履以星瞻恭惟台臺前身金粟當代瀛仙捍天
塹而瓠子功臻億兆胥登壽域詰戎兵而攬搶屏跡
郊圻咸仰歲星固已果種長生繼甫申而嶽降齡齊
姑射踰月母之海占者矣茲者辰逢初筴序值雙槐
雪藕冰桃麗紅榴而獻瑞交梨火棗偕碧芰以稱歡
紫靄燦而鳳詔啣來人祝百壺清酒赤書見而麟光

狎至羣瞻千歲長庚凡屬炤臨敢望鼇對矧叨帡幄
用切鸞歌某材類柳蒲肯竊栢松之蔭心同蓬藿嘗
依日月之光欣逢鶴算奇徵媿乏脯麟以獻祝幸當
龍光前御敢邀觥兕以鳴麻一緘豈礙於芝函三沐
爰申乎珠履唯願東風齊力斂五福以箕疇南極重
輝俾萬年於君子

請吳刑廳公啓

日麗梅山玉節凝度關之紫靄陽回洛水彤帷普隨
雨之蜚聲開天見燕邸之晴伏地烹爐中之雪藉陳

蟻悃恭迓龍光寅惟台臺延陵世裔湘楚元英虎繡
朝瑰麗藻呈五雲之色龍光夜著祥芒吐萬仞之輝
宜石渠天祿以栽雲先玉律金科以弼教唯汴城甲
中天之嶽瀆繫國刑需盛世之鳳麟欲冀貫索之空
特簡奎躔之選冰壺炤世竚看水徹溫犀肺石呈平
共聽春回鄒律此日山川動色知迎大李之華輅異
昔雨露弘霑盡被使君之明德預徵鳳采養就驄威
某等雕蟲小技窺豹庸材幸隨受命之班忝入承風
之屬敢求命日薄設菲筵客舍摠忱愧一芹之莫展

金門邀寵喜駟馬之賁臨紫旭標襟共依冬日之可
愛玄珠映乘胥瞻明月之同輝稽首拜函齋心聽履
伏祈俞諾曷旣榮施

候兵巡道修啓

洛水春融丕著聲靈森繡斧栢臺風肅高標節鉞奠
牙璋光已炙而臺範未親地雖遙而斗瞻彌切披衷
陳悃昂首拜緘恭唯台臺攀龍世裔翊鼎元勳一手
能整頓乾坤允屬帝庭柱礎九重欲抵寧河洛暫煩
臬府韜鈴蠟炬焰中天處處水光凝碧彤帷褰陽翟

峩峩山色舒青秉節凜矣風霜百千萬里鯨鯢屏跡
隨車覃乎雨露三十四城草木知威民益春遊幽冷
之窮情畢徹吏寒冰冽纖毫之宿蠹咸消久飮經文
緯武之鴻名竚看右名左周之駿業某方學製錦深
愧伐檀懷李情愍未獲一御之愜識荆素切徒輕萬
戶之封所幸燕雀卑棲獲荷岱宗巨庇何期樓臺近
水先分天漢餘光肅百拜以舒詞馳一片以將敬嗣
容肅謁以謝積忱仰唯鑒涵俯賜茹寵

賀守道張陞參政啓

虎節蒞長城隴右仰烟雲之氣鳳書騰鎖鑰汴郊戀
甘雨之車銀符趣駕於鄴侯龍彛移封於郇伯欣同
燕賀忱効鳩歡恭惟台臺畿輔儒宗江河福曜鼎名
與韓范齊芳著述偕歐蘇竝富初試穎於李曹人稱
肉角旣晉秩於徽省家頌批鱗自中州爲股肱之名
區暫出長孺臥理今西陲屬咽喉之要地更煩山甫
旬宣沂洛同流共沐維屏之澤嵩華接壤咸瞻大教
之名况地臨鶉首之右原高牙建而豺狼屏跡昔逢
斗柄之西揭棨戟指而貔虎增雄允哉十萬甲兵文
武爲憲壯矣河山百二保釐宣猷三秦父老盱范來
之何暮望切瞻旌兩河吏民嗟寇借之無由情慤臥
轍自此攬轡金湯佇看圖功麟閣行將鳴騶玉署居
然獨對龍墀矣某颺颺下才蟻蠓小吏俄承樛蔭覆
轂之望方賒項聆節移攀鱗之私轉迫雲橫秦岫睇
鳳采於關西月滿河陽仰龍光於北斗敬陳螳悃以
慶鴻禧竊効鶴舞以申鼇忭唯冀丙炁曷任寅瞻

接守道高啓

鈞天法紀霜旄開嵩嶽之秋暉重地台符漢節擁汴

郊之瑞色坐與河山增重聲同南北交歡負弩先驅
拜箋申悃恭唯台臺三韓德曜兩河福星武庫肅西
陲虎豹隱長城之氣文昌臨雒水龍鸞儀瑞世之禎
紫氣遄臨咸眺青牛關內黃麻促名佇看丹鳳樓中
鸞鷲至而鳩燕歡迎麒麟遊而駑駘自策矧屬若木
旁蔭之下敢後葵心傾向之誠某草茅鄙士區豆瑣
員夙望龍光唯祝星言之駕遙瞻鶴蓋愈深斗戴之
私春隨六轡以偕臨秋竝五驄而競爽敬緘芹素代
申竹馬之忱跽奏花箋肅致鶴琴之盼唯冀丙鑒以

淵茹可勝寅虔而嶽戴

候吳刑廳到任啓

法曜映花驄威比寒霜飛凜冽斗光臨汴郡仁如春
雨灑濃瀼仰棨戟之先聲驚鞭弭之後至恭唯台臺
神淵涵月道岸標霞秀濯三湘含精靈於華藻英鍾
七澤納流峙於襟懷暫虛白玉之堂借握丹書之管
茲秉憲符之行部映使輅之式臨將肅寮案於雷霆
冰壺月皎自燭祥刑於旭日貫索星移桃放柳陰草
木映朱旛而吐氣風融日麗山川藉翠蓋以增輝僉

郊之瑞色坐與河山增重聲同南北交歡負弩先驅
拜箋申悃恭唯台臺三韓德曜兩河福星武庫肅西
陲虎豹隱長城之氣文昌臨雒水龍鸞儀瑞世之禎
紫氣遘臨咸眺青牛關內黃麻促名佇看丹鳳樓中
鸞鷲至而鳩燕歡迎麒麟遊而駑駘自策矧屬若木
旁蔭之下敢後葵心傾向之誠某草茅鄙士區豆瑣
員夙望龍光唯祝星言之駕遙瞻鶴蓋愈深斗戴之
私春隨六轡以偕臨秋竝五驄而競爽敬緘芹素代
申竹馬之忱跼奏花箋肅致鶴琴之盼唯冀丙鑒以

淵茹可勝寅虔而嶽戴

候吳刑廳到任啓

法曜映花驄威比寒霜飛凜冽斗光臨汴郡仁如春
雨灑濃瀼仰棨戟之先聲驚鞭弭之後至恭唯台臺
神淵涵月道岸標霞秀濯三湘含精靈於華藻英鍾
七澤納流峙於襟懷暫虛白玉之堂借握丹書之管
茲秉憲符之行部映使輅之式臨將肅寮案於雷霆
冰壺月皎自燭祥刑於旭日貫索星移桃放柳陰草
木映朱旛而吐氣風融日麗山川藉翠蓋以增輝僉

美直指之威名共慰埋輪之夙望某操割初試甘苦
未嘗昨聞玉節之將臨先驅負矢實切中丹之翹想
後乘昂旌何期向陽近水得以仰斗依嵩昔也燕邸
披青恍似新梅香驛路茲者汴郊瞻紫宛若幽卉見
陽和恪布荒箋兼陳芹悃統冀茹鑒曷任冰兢

候臨青倉戶部田啓

名世應昌期雞舌含香於輦轂地曹司國計鴻聲望
重於清淵遙仰龍光肅將鯉素恭唯台臺神池毓秀
龍洞鍾英射策金門名久傳於丹陛持籌民部念實

切於蒼生乘使輶以賁臨著度支之偉畧裕民而因
以裕國命脉用長足食而繼以足兵軍興有賴仁周
民隱屢上李翱平賦之書義格君心且陋陳平錢穀
之對暫駐濟汶而發軔竚看鼎鼐以調羹某苧阜豎
儒汴州瑣吏識韓素切夙懷就日之忱御李情慙深
企望風之想慚操割之初試驚輪輓之愆期所藉阮
眼垂青叨承日照更冀慈雲廣庇永仰斗瞻百拜肅
函一芹將敬唯雅量不擇細流將洪恩侔於大造

候德州倉戶部張啓

粉署持籌夙著度支之望平原曳履仰承樽節之權
光霽遙瞻欵誠肅薦恭唯台臺珪璋粹品黼黻宏猷
三峽原流筆底餘波迴穀水千尋壁立胸中正氣壓
嶠山功績巋然聲華籍甚爰晉司於民部遂蒞旆於
鹿關金穀積丘山致粟陳而貫朽轉輸若泉水果兵
便而民安澤渥齊東萬壑玉關交饋名騰薊北一腔
冰鑑心函行躋禹稷之儔坐爨唐虞之理某苧阜豎
儒汴州瑣吏識韓素切原懷就日之忱御李情慙益
企風望之想慚操割之初試驚輪輓之愆期所藉阮
眼垂青叨承日照更冀慈雲廣庇永仰斗瞻百拜肅
函一芹將敬唯雅量不擇細流將洪恩侔於大造

候臨青倉戶部郭啓

粉署持籌海宇咸瞻風采經綸裕國廟廊共企儀型
仰斗之私素殷披雲之念彌切恭唯台臺河東瑞鳳
關北祥麟學有淵源發天祿石渠之秘寶名登科甲
擅滔霞激玉之詞章譽夙著於藝林政久茂於棠蔭
宸衷簡注畫省分榮任重度支儲司之績稱獨步令
肅輓輸軍國之計甚周詳竚看履近星辰會見秩崇

臺閣某浙水庸流稽山末品濫竽下邑深懷蚤負之
慙待罪名邦未遂登龍之願敬申葵悃薄貢芹儀冀
大厦之併幪企二天之覆庇仰祈台鑒曷勝巖瞻

候德州倉戶部張啓

粉署持籌裕國宏猷輝曉日蘭臺著績度支偉望映
干霄仰斗馳神肅函布悃恭唯台臺澠池毓秀嵩嶽
鍾奇氣吐虹霓散作筆端膏雨名標虎榜湛施宇內
棠陰令譽茂簡於宸衷峻秩分榮於畫省計周倉儲
輓輸萬艘齊臨惠普軍民雨露一天均被會見升華

臺閣竚看曳履星辰某浙水庸流稽山末品濫竽下
邑深懷蚤負之慙待罪名邦未遂登龍之願敬申葵
悃薄貢芹儀冀大厦之併幪企二天之覆庇仰祈台
鑒曷勝巖瞻

賀方伯董陞北直巡撫啓

薇省望隆豫甸懋屏藩之績楓宸依重冀圻崇節鉞
之符慶協中原歡騰闔屬恭唯台臺開國元良熙朝
名碩布經綸於滿腹邦計仰籍以奠安沛霖雨於四
時蔀屋咸霑其化育乃朝廷柱石膺開府之新綸唯

帝眷股肱簡長城之夙望麟符石畫指一麾而草木
皆兵玉節金章命甫聞而風雲肅隊會見功高韓范
竚看勛竝伊周某襪線庸材鉛刀末品謬承風塵之
下吏仰荷雨露之深恩無計扳轅徒懷捧日聽星宸
之履欣同雀躍瞻山斗之門賀展燕私緣遵憲令森
嚴未敢擅離而躬慶不腆芹曝統冀淵茹

賀臬司李廉憲新任啓

鳳綵騰輝瑞氣靄紀綱之任磨符燦彩徽猷隆振肅
之司慶協下寮歡生合屬恭唯台臺冀北英賢燕南
俊傑撐腸文字掇三酉之淵源滿腹經綸灑九天之
雨露令譽夙聞於當宁威名久播於太原懋簡宸衷
寄鎖鑰之重任綸新玉節奠邦土於中州某材同襪
線品類鉛刀備宇下之屬員自慚蚤負仰臺中之覆
庇幸際龍門歡同燕雀之忱敬抒葵藿之悃緣遵憲
令未遂躬趨統冀海涵可任嶽戴

祝開封吳司李壽啓

星燦南箕壽域弘開騰瑞彩聲蜚北斗台光朗曜煥
祥雲敢效祝於華封敬稱歌於萊雅恭唯台臺金粟

九觀堂文集 卷十三
前身石磨出世游文章之三昧今有蘇韓呈政事之
一斑古無卓魯冰壺臨皓月不惟三十四屬盡沐恩
膏德澤玉節凜清風抑且百千萬戶咸霑雨露甘霖
茲值天開建子正君子道長之時乃當嶽誕生申會
長庚初度之候某仰叨樾蔭快覩華辰心切傾葵莫
能採紫芝而效獻情殷戴斗唯有馳素鯉以抒忱伏
願壽竝崗陵五福歛箕裘於奕世位隆台鼎千禩作
梁棟於熙朝曷旣揚庥統祈垂炤

甲午公請大主考吏部孫禮部張啓

五雲開北斗鯤鵬望溟渤而借搏丙鑒蒞天中鵬鶚
附風雲以竝奮歡動榎楠之色光分桃李之榮慶虎
繡之蒙甄願兕觥以爲壽恭唯台臺江左名儒

天官
春

碩輔向秉巨源之鑒玉映冰壺今司永叔之衡瑞生
珠樹祥徵麟鳳文維八代之靡氣吐蛟蜃聲籍兩河
之頌煥嵩高以啓河雒章縫與墨綬偕輝羅武庫而
應文昌彤管俾筆花竝燦得士洵踰乎慶曆知人益
盛於河陽某等學慚窺豹識媿燃犀幸厠席於棘闈
獲承庥於樾蔭螢輝燭火同依太乙之藜虫臂鼠肝

庶免夜光之劍河潤敢忘乎滄澥培基戴切於岱華
茲虔葵志薄庀芹筵聊借百泉山水之佳爰進千載
崗陵之祝明珠萬斛湛同八斗雄襟丹嶂千重高擬
三臺盛節兼以谿風竹雨新飄桂窟之香庶幾澗藻
山毛共映蘭葩之碧伏望瑞靄惠臨五色雲移原上
德星至止一天月焰秋空將上方鐘鼓重聞鸞鳳之
音中土山川欣覩龍螭之采

賀左方伯佟午節啓

瑞日揚輝光映薇垣之彩薰風育物祥呈蒲節之香

慶集上台歡騰下邑恭唯台臺凌霄玉節鎮世金鰲
德備乾剛宣化壯兩河之屏翰仁隨日麗保釐消千
里之氛祲譽望比分陝之名公於今爲烈令名全憲
邦之吉甫稽古誰倫際茲節屆天中欣值辰逢地臘
槐龍舞夏巳興利見之占艾虎翻風預蔚豹文之炳
茂對一陰伊始辟兵不假靈符仰瞻百祿駢臻續命
何須綵縷某浙水庸儒河濱末吏向隸編氓於宇下
夙有良因茲媿學製於併中益深覆庇紉蘭佩蕙實
霑雨露之滋培切玉包金聊佐蒲觴而抒悃一芹殊

大觀堂文集 卷十三 啓
慙輜褻二天俯鑒微慙唯冀淵茹莫罄嵩載
賀右方伯白驛傳道楊守道高午節啓
日臨東井燭龍擁曦馭之車風播南薰韶鳳叶蕤賓
之律香生蒲節慶集薇垣恭唯台臺胸注冰壺聲蜚
玉節德宣化洽濺澤同梅雨汪洋愠解氛清湛露竝
蘭膏普注震輕雷於千里辟兵不假靈符行大沛於
兩河續命何須綵縷際此槐龍舞夏巳興利見之占
當茲艾虎翻風預蔚豹文之炳茂對一陰伊始仰瞻
百祿駢臻某弱柳微姿傾葵末屬渥沾覆庇深荷滋
培莫能躬進蒲觴效祝鶴齡於堦下敬遣代呈芹悃
聊申燕賀於臺端菲獻殊慚輜褻淵茹顛切岱瞻

賀學道張午節啓

日麗龍門河洛起朱明之色月臨鶴嶽嵩高煥曦馭
之光慶集艾庭歡生蒲節恭唯台臺冰壺映玉寶鑑
懸珠氣貫雲霓嶽瀆文章蔚起譽蜚鼎鼐宮墻雨露
弘沾茲值包金切玉之辰喜祝紉蘭沐蕙之祉虞絃
解慍辟兵不假靈符夏日歌薰續命何須綵縷茂對
一陰成妬仰瞻百祿臨豐某才謝雕龍識慙窺豹仰

五雲之覆庇時挹光輝荷大厦之帡幪欣披永日敬
申忱於葵藿式咏德於蒿莪統冀淵涵莫罄嵩戴

賀臬司李糧道佟巡道佟屯道胡午節啓

法曜麗天中坐鎮炎威萬里祥光呈地臘欣瞻瑞應
三台喜遘芳辰恭申令節恭唯台臺胸注冰壺聲蜚
玉殿弘敷德澤湛汪濊之蘭膏遠播仁風澍濃陰之
棠芾令素嚴於三尺辟兵不假靈符惠夙溥於兩河
續命何須綵縷茂對一陰伊始仰瞻百祿駢臻某材
慙製錦術媿烹鮮荷大厦之帡幪欣同鼇戴仰朱陽
之麗景慶切蟻衷莫能躬進蒲觴祝春齡於千禧聊
用代呈葵悃舒芹曝於一槭統冀海涵曷勝嶽仰

賀本府朱吳刑廳并各廳午節啓

日臨東井躔凝熊軾之輝風播南薰慶集鱣堂之瑞
欣逢蘭序肅展蒲觴恭唯台臺胸有冰壺聲流玉節
膏濡丹筆德澤偕梅雨時盈氣貫黃雲惠露洽荷風
日永令素行而氛清千里麥穗徵祥化允翔以歌徵
兩河棠陰丕靜福益臻於艾虎光彌耀於槐龍某深
媿蓬心謬叨樾蔭拂蓮葩而映碧對榴火以抒丹切

玉包金仰羨堯樽之競午採芹獻黍恭瞻夏屋之權
輿統冀海涵可任嶽戴

賀方伯董午節啓

五葉萸開映紫薇而竝燦九畦蘭浴澄洛水以蜚馨
邁此芳辰敢忘蒲獻恭唯台臺睿懸離照德秉陽明
任屏翰以布恩綸休聲遐播茂保釐而躋左轄國計
全資碩望比分陝之召公威名全翌周之吉甫茲者
時逢重午節屆一陰炎暑納槐風獨有空階一鶴乾
坤開壽域何須綵勝千絲戲水龍舟已識兩河編戶
之樂祥懸艾虎早卜四時魑魅之消斃矣薰風懷哉
棠蔭某樗質難雕葵衷初向戴庇與嵩山竝峻感懷
偕永日俱長伏願藻火榮施朱明竝麗調羹御鼎初
乘梅雨之黃摺玉金鸞早捧麻音之白

賀右方伯白午節啓

柄轉天衡立鑿表薇垣朗耀辰逢地臘朱明映洛水
澄清敢借五時之花用抒一縷之敬恭唯台臺德扇
薰風威行永日旬宣流闡澤湛汪濊於蘭膏保釐著
崇勲森蔽芾於棠蔭時維五月節屆端陽卦位爲離

普大人之繼炤陰生成妬法君子之含章河上息波
濤佇望龍舟棹隱民間消魃魘奚須虎艾門懸行將
細葛頌來補山甫袞衣之闕預仰賜蒲詔出作商岩
鼎鼐之甘某學愧奪標任慚製錦佩薩紉杜敢自遠
於芳華瞻日歌風喜長蔭於盛德區區葵日僅托寅
將耿耿芹私統希丙鑒

賀臬臺劉午節啓

翠節宣風萬里炎氛坐掃繡衣飭憲兩河爽氣朝浮
喜逢沐蘭之辰敢效曝芹之義恭唯台臺德昭長日

威震輕雷洗東海之冤散沉陰於夏雪感湘江之賦
回生意於秋霜政用五刑民已早延於命縷令嚴三
尺邪不待辟於靈符茲者節屆天中時逢重午看龍
舟戲水久知洛渚無波瞻虎艾懸門永卜中元有慶
凡屬龍光之炤敢後燕賀之馳某才非紉蒞遇類浮
梗美景難酬是處映青蒲白水太平有象誰家不切
玉包金愧一縷之遙將祈千祥之駢集伏願峩法冠
而躋八坐天階歲賜和羹膺芝檢以陟上台大內時
頌蜀箴

賀糧道佟午節啓

朱明屆候調解愠以播南薰炎帝司權粒蒸民而資
爾極式申蟻悃願祝鴻禧恭唯台臺德比美於陽明
鑑竝燦於離焰洞明輪輓恒深求艾之思振起洛圖
大吐伏蒲之氣宜以弘才而扶國是暫煩持節而督
軍需茲逢節屆天中且喜慶階日永菖蒲泛酒堯樽
綠滿槐陰菰葉縈絲楚粽香沾苧節邊隤之用以足
誰家不切玉包金喬門之福自臻指日看和梅調鼎
某才慚製錦學愧奪標駑駘旣新蒙乎藉庇考成或
幸免夫黜幽敬申芹獻聊佐蒲觴伏願箕疇斂福編
氓續命以滋生禹甸康休百職依帡而胥樂

賀學道李午節啓

蒲玉香清芳氣襲騰璧府蘭葩澤潤榮光燭映奎躔
欣逢競渡之辰願言芷佩幸忝薰風之扇敢效芹將
恭唯台臺勾吳鼎望河雒文宗家珍鳳毛顧陸詎堪
驂乘世稱麟角應劉總媿後塵文章與嶽瀆爭奇教
澤化風雷竝著茲者金流黍角序逢五日之重玉泛
菖蒲典用三湘之麗槐庭永晝菁英咸萃於龍門芟

九龍堂文集 卷十三 三
三
洎光風蕙蒨羣舉於虎席龍舟萬艘碧光湛而菡萏
波澄虎艾千家彩縷懸而紫薇香透用知鴻禧駢集
祓除無假鮮絲瑞氣徐臻和惠有餘蜀筴者矣某夙
叨跼跼之餘幸瞻鳳彩今承帡帟之下復竊龍光攬
蕙葉叢生敢豫申乎燕賀感紅榴艷發思馳獻夫蟻
忱自慚九粽之儀空切一緘之敬俯冀滄納可勝岱
瞻

賀驛鹽道楊午節啓

槐蔭當陽香滿郵亭深路榴紅吐焰光凝海府朱門

仰觀日永天中快覩波恬洛上式申蟻恫願祝鴻禧
恭唯台臺睿秉離輝氣鍾陽德錦標快奪捷驚江艘
之雄藻鑑高懸光勝湖心之鑄救梁都而劑水陸百
城棠芾常濃制山海而疏利源羣吏薰風咸被茲者
日逢重午節屆一陰炎景初升酒泛芑蒲之玉朱明
方艷盤堆角黍之金唯五福旣溥於筮簷知三錫自
膺於扉閣某才慚紉芷遇類浴蘭仰奏扇之和風長
叨披拂逢隨車之甘雨時荷滋培敢效芹獻之忱聊
佐蒲觴之席歡同燕雀頌擬崗陵伏願茂對南薰班

聯北斗熒陰陽而定節候天階歲賜和羹晉鼎鼐而
作鹽梅大內行頒蜀筴

孫男懋桐 懋榕全校錄

大觀堂文集卷十四

暨陽余縉浣公甫著

啓二

賀本府朱年節啓

恭唯台臺清映冰壺溫回玉律淑氣融凌陰之凍和
風扇玄臘之春椒蘭羣萃於鶴堂無煩雞帖松竹茂
苞於熊署共介犧樽茲當鳳曆之頒新益慶龍光之
燕喜某蹇同臥雪拙媿語冰幸戴二天素竊晞於冬
日茲逢四始益仰被於條風栢葉銀鎗媿未鳴禧於

斗建山桃葦索僅能志令於雲開獻既媿乎屠蘇頌
實慙於奠莢聊効雀鳩之祝豫占麟鳳之祥

賀鄉宦袁年節啓

斗揭東皇鳳曆啓麟遊之瑞春回北陸龍躔紀雀獻
之祥虔祝鴻禧敬陳鯉素恭唯台臺望隆星嶽品重
璣衡和風扇玄臘之溫淑氣融凌陰之凍五雲燦采
椒蘭光映乎藜函四孟推元松竹茂苞於蓮幕暫闕
龍圖之翰墨佇調鼇禁之絲綸某蹇同僵雪拙媿語
冰幸近金門素藉暄於冬日茲依玉律益竊被乎春
風豫占開泰之良期適洽聿新之歲序謹効忱於七
豆聊同雞帖山桃爰攄捆於五辛薄貢犧樽栢葉雖
侑緘媿乏屠蘇之頌而拜箋殊慙奠莢之瞻唯望淵
茹可勝岱仰

答李鄉宦送年節啓

恭唯台臺帷凝瑞臘席益禧春梅葩映玉鼎之芬桃
菊燦金門之色方初瞻乎鳳曆適寵錫以龍光澤滿
寒扉溫噓幽谷某蹇同臥雪拙媿語冰久叨冬曝之
曦榮茲頭角復藉條風之扇拂其羽毛尚未頌於椒

蘭忽遽承乎瓊琚被德旣先花木啣恩敢類羣魚謹
拜函以登嘉聊附箋而鳴謝氣凜東皇情慙北斗

賀李鄉宦年節啓

恭唯台臺溫回玉律清映冰壺椒蘭羣萃於春臺松
竹咸苞乎東府麟遊鳳集何假雞帖以書年雀獻鳩
翔共肅獸樽而紀歲某徒寶五辛罔窺七緯山桃葦
索空志令於雲開栢葉銀鎗未介禧於斗建對茲霽
輝澄景頌媿乏乎屠蘇欣逢冰泮佳辰祝甚慙於奠
莢七豆僅同於練俗一九聊比於絳囊伏望鑒涵可

勝鼎戴

答李貢生送年節啓

恭唯年臺秀挺歲寒香凝雪沁春華秋實千編函六
宇之奇夏葛冬裘一室備四時之氣孝旣徵於馴兔
惠更被乎懸魚如弟窶存米桶獻媿椒盤驚竹爆之
聲催遙知鯉躍逢桃符之綵絢豫賀蛟騰未遑芹掬
以將忱忽拜瑯緘之寵錫雲誼何敢自外斗戴彌切
由中謹捧翰而嘉登爰肅箋以致謝伏唯丙鑒可勝
庚瞻

賀貢生李年節啓

恭唯年臺胸湛冰稜筆融春露芝蘭互映風回玉律
之葶花萼相輝瑞益金門之莢茲當孝馴雉兔之年
適逢祥放雀鳩之日東風齊力五福備乎桃湯北陸
驅陰三素儀於栢葉洵良辰之斗揭呈佳氣於履端
如弟自負蛩蛩幸依嶽嶽龍夔鳳竿頻勞鶴鹿之來
雞帖獸樽未克鱗鴻之報諄愍松竹謹致潔於三薰
獻媿屠蘇僅申忱於一札

賀鄉宦李壽啓

恭唯台臺前身金粟瑞世星精柱礎棟梁南國仰西
臺之松栢璣衡斗柄北海師東璧之圖書林間隱若
長城雲彩皆成福曜茲當嶽誕生申之會適符鍾鳴
應子之期知海屋籌添芝檢榮增鶴算快河清籙授
紫暎光映麟書某向蒙樾蔭謬竊椿光身居五福之
鄉遙瞻鳳詔應來鳩杖心効三多之祝敢稱兕觥以
擬鴿籠雖尺莛寸芹徒倩東風之力而冬葵夏菽實
依南極之輝

賀萬鄉宦授教授啓

恭唯年臺花滿杏壇雪深絳帳麟冊啓嵩華之秘龍
門衍河雒之奇單懷桃李函席以待春風王屋山川
洗滌而迎瑞靄從此勝橋攬轡芳映竹林賢館泛觴
光生沁苑矣弟僕鹿河干磊砢牘末徒叨溫於冬曝
未曦爽於秋陽每瞻劍佩之儀久卜鳳遊池上今遘
軒旌之兆已知鱣集堂中碧藻香芹芬暫披於梓里
黃麻紫管榮跼陟於蘭臺謹函尺素以鳴禧聊附寸絲
而致賀

餽魚啓

德被洿池河雒鯨鯢之鱣恩覃涸轍溱洧廣鱣鮪
之吟幸舉網而得鱗敢投竿以薦膾恭唯台臺文能
徒鱣材軼擊鼉化鯉盡躍於龍門侯鯖悉辦於鮫室
烝然汕罩素探丙穴之嘉於仞充淵向沛逝梁之禁
茲鯤鮪悉歸川壑幸蛟蜃已靖洪濤蝟集漁舸率垂
緝而大獲蠶茲澤吏亦漑釜以小鮮良由信格於孚
豚故爾仁綏於食鮒也某術窮枯肆智類蹄涔幸遊
滄溟之深莫測江湖之大臨流興羨徒懷斷罟之心
面海移鈞未卜忘筌之義覩揚耆鼓鬣之狀非敢輒

嗜河魴邁巨口細鱗之容每欲上陳淞鮓巨方滿尺
正逢獺祭爲期饋不盈車媿乏龍羹之美伏望水厨
勿厭其腥俎奚收鮑混於蘭芬則做筍榮藉乎鼎烹
務竭鯁愚於葵悰矣

本府薦童生啓

恭唯台臺鑒澈冰壺衡司玉尺豫章山斗之望久稱
當代龍門西江月旦之評共仰斯文犀炬梁園桃李
應入殼以無遺中土騏驕儷羽鱗而竝奮某簿書下
吏奉檄較讐嘗旨禁嚮敢自忘其痴嗜熒光濯錦竊
嘆爽於目眎展溲渤於牘端盡冀葑錄附風雲之案
末榮及芻言知鶴署之多冗幸鴻覽以弗忘

候德州戶部蔣同臨清戶部啓

粉署持籌海宇咸瞻鳳采度支裕餉河朔共仰龍光
戴斗情慙披雲念切恭唯台臺經綸偉望黼黻弘猷
峻秩分符畫省計周國儲輓輸神運坻京念切民膜
澤已沛於東齊歡騰汴洛名大馳於北鑰榮庇嵩高
自此升華扉閣行看曳履星辰某浙水庸流濱河俗
吏素歉前驅之願御李無由幸免後至之誅傾葵徒

切茲當新運之抵厥特申素牘以布悃一片輶褻唯
冀海宥淵茹二載疎庸統藉星輝嶽潤

候署糧廳王啓

恭唯台臺當代夔龍熙朝鸞鳳行作棟梁之選暫從
枳棘爲棲佇觀臺閣之謨偶借小鮮試割光已騰於
牛斗氣欲干霄望久著於岱華才同瞰海知飛芻輓
粟僅占豹之一斑卽裕國足民未竟麟之五德某浙
水豎儒汴郊庸吏夙仰星文嘗神依於鶴憶茲逢雲
庇更戴切乎鳧旌屬僨運之屆期媿未前驅以奉令
方催科之已竣詎敢後至以貽愆謹肅敬於一芹代
申蟻悃爰貢忱於尺素伏望烏推唯幸海茹可勝嶽
戴

賀右方伯陳壽啓

金飈應律麟書偕鳳詔以呈輝玉杵澄空鶴算共鱣
堂面竝茂百爾沾河潤之惠億庶歡嵩嶽之靈謹効
鴿於金籠佇望鳩於玉杖恭唯台臺三韓人瑞兩河
福星秉臬東郊草木胥登壽域移旌南國山川咸貢
苞符茲者序值生申瑞逢太乙銀蟾碧漢光開南極

之祥桂影涼葩氣洽西崑之應人慶五雲之捧日羣
切燕欣佇佔六甲之周天敢忘鵲舞某弱類柳蒲唯
竊栢松之蔭材同繡艾嘗依椿樾之光早占鸞馭奇
徵愧乏脯麟以獻瑞幸仰龍光在望敢稱兕觥以鳴
禧一函僅倩於東風三祝爰申乎北斗

迎新河道徐啓

鳳采涖天中河洛煥圖書之色龍光來斗北嵩高奠
圭璧之祥繡節按而鯨鯢波恬蓮炬輝而鯤鵬氣奮
欣逢一鶴慶洽五驄恭唯台臺南天丹鷲西苑蒼麟

司秘閣之文章羣仰清華領袖典棘闈之衡鑒世稱
黼藻宗工顧水火兵農旣雅擅於文昌武庫而澄清
底定尤兼治乎海若波臣惟國家之氣脉首重河防
故朝宁之拜稽咸推拯濟知決排疏淪總具嶽瀆之
文瀾將奠麗平成先試舟航於學海青黎從太乙暫
煩學士之司空玉莢授金華佇卜宅揆由節度矣某
豆區下吏笏斗微員夙瞻金馬之青光久慕執鞭後
乘茲觀飛熊之瑞靄敢遲負弩前驅雖匏繫河濱未
遂逐騶之願而葵傾岱嶧實深望冕之思謹肅緘於

花旌爰申忱於星駕唯冀丙鑒曷任庚瞻

中秋賀各上臺啓

恭唯台臺望隆北斗興逸南樓清芬湛桂苑之仙葩
皓鑑麗高秋之杵玉茲值梧井佳序遙瞻菊圃玄輝
况逢葭露涼襟適與冰壺碧映慶鴻禧之茂集猶蟾
鏡之初昇某蹇類吟蛩寒同飛鵲每依光於銀漢幸
竊籟於瓊臺萬戶砧聲未獲晉松醪以卜夜一天澄
練僅圖貢規餅以侑樽謹肅菲而申忱祈鑒葵而俯
錄

答李鄉宦賀中秋啓

恭唯台臺明映冰輪惠同玉露龍門皎遠桂槐交馥
於庭除豹采隱尊藤蕪亦依於棟礎佇秉黃扉之軸
暫棲綠野之堂某一寒木落四壁秋生久承樾蔭之
婆娑自媿柳姿之凋寂茲逢望舒涼滿未遑摳衣於
長風忽蒙蓬闥寵光遽拜頌函於皓月霞綺雲錦何
堪濫被蒹葭銀漢天章過沐弘嘘圭華重邀玄鼎之
隆施謹登盃簪以志德三薰肅謝億禩銘恩

賀李鄉宦中秋啓

恭唯台臺鑑貯冰壺風清瑤闕往笏映西山之爽氣
持觴命北海之雄襟玉樹森庭彷彿娥池彩燦僊根
著籍聯翩桂苑香新茲當梧井佳序益感葭露澄懷
銀漢干霄佇觀芙蓉之札金飈中律欣瞻芍藥之班
某蹇類吟蛩寒同飛鵲幸依光於蟬鏡每竊籟於瓊
臺皓魄入懷徒誦謝生之賦胡床待咏未登庾傅之
樓一樽豈擬於松醪什襲僅陳夫規餅唯冀葑采曷
任葵傾

迎新巡道沈啓

卽釋堂
太史

伏以鳳詔賁天中繡斧壯金湯之色龍門臨雒水藜
函煥玉署之華鸞鷲至而鳩燕咸歡麒麟遊而駑駘
竝奮恭唯台臺材高韓范學富歐蘇司秘閣之文章
獨探上林春色典石渠之圖籍久瞻金馬清光唯當
宁念中州爲文武式憲之邦特簡大魁以司屏翰亦
在廷推全才實兵農雅擅之器爰陟領袖以肅紀綱
從此啓河雒以煥嵩高行且握絲綸而宣翰墨矣某
蒲柳下員夙叨驥尾豆區末品近傍熊軒望紫氣之
遙臨神與風雲俱作慶黃麻之佇名願依日月長榮

斗戴微誠僅心附五驄而竝騁星言夙駕知恩隨六
轡以咸臨夙心贊武豆圖木品武爵顯望紫宸
賀兵巡道沈新任啓且贊絲綸而宜儲學矣
伏以鳳綵騰輝河雒煥文昌之曜慶符燦彩嵩高占
武庫之雄慶洽兵農歡生將吏恭唯台臺雲間鸞鷲
海上鯤鵬學富班揚早掇巍科鼎甲才高韓范暫需
鎖鑰長城鴻名夙重於楓宸羣仰玉堂之領袖簡命
特膺於藜閣咸推金馬之風流新聲聿播南天令聞
久馳北斗某浙水駑駘幸附塵於驥尾汴郊鳩鷄久
竊庇於鼇頭何期一日忽覩二天自慶三生榮垂千
禩謹抒忱於鵲躍擬申賀於鳧趨緣遵憲令之森嚴
代陳鯉素唯望汪慈之淵鑒俯納蟻棕

迎新督學道王啓

五雲開斗北鯤鵬望溟渤而偕搏三館涖天中鵬鸚
附風雲以竝奮歡動梗楠之色光分桃李之榮慶洽
花驄歡同竹馬恭唯台臺祥羅武庫瑞應文昌秘莢
授金華薄海仰南天麟鳳藜函來太乙羣工頌西府
夔龍繫奎璧稱翰墨之林特簡玉堂而司雀弁維河

大觀堂文集 卷十四
維爲文章之藪爰推金馬以重龍門從茲蓮炬清輝
灼耀嵩高之岫行且菁莪雅化薰陶梁苑之郊某材
慚樗陋幸竊庇於梓鄉術媿藤柔謬附塵於蘭譜何
意廳窮之五技忽瞻鵲印於二天感奮風雲亟擬執
鞭於後乘榮依日月聊圖負弩以前驅雖匏繫河濱
未罄迓騶之願而葵傾薇署實深望冕之思謹肅緘
於花旗爰申忱於星駕

賀督學道王新任啓

鳳綉騰輝奎璧久崇於斗北麇符耀采鑑衡聿著於
天南菁莪仰陶鑄之仁籩豆傾依光之願恭唯台臺
玉堂領袖薇署楷模文章與嶽瀆爭奇人物偕山川
竝秀桃李映龍門河雒之圖書炳采瑯干生鳳圃梁
園之翰墨增馨昔司藜閣縹緗獨探上林春色今總
闕宮琴瑟羣聽金馬清音拭目花普中州跨看績崇
八座某苧阜駑駘幸附塵於驥尾沐郊鳩鷄久竊庇
於鼇頭何期一日忽覩二天自慶三生榮垂千稯謹
抒忱於鵲躍代申賀於鳧趨

賀李鄉宦重九啓

恭唯台臺興涉龍沙瑞徵鳳嶺天風吹玉露適洽橙
黃橘綠之期涼月映金葩又值菊瘦蟹肥之會洵三
秋之盛事知五福之駢臻某偃蹇東籬對落英於紫
蒂溯瞻西府佩壽馥於丹萸雖驅馳未侍簪花而忭
舞心慙泛菊茲擷一芹以侑祝聊陳九井之勝遊唯
望原涵可勝崇慰

候德州倉戶部王啓

松署持籌雞舌含香於斗北蘭臺奏績龍光耀采於
陝東素慙望嶽之私幸遂瞻雲之念恭唯台臺河中

威鳳山右祥麟學擅淵源名久騰於丹陛才兼經濟
澤久洽乎蒼霖自軒輜之式臨建度支之長畧裕民
裕國旣菽粟以紅陳足食足兵復貔貅之宿飽萬艘
舳艫交饋一心衡準高懸佇秉泉府於大農行陟綸
扉之獨座某浙水庸儒汴郊俗吏濫叨樾庇媿輸將
之未前幸藉帡幪敢輓期之獨後祇緣荒殘下邑鞭
撲難施遂致高厚鼎恩疾呼緩應自揣蚤負本甘廢
黜之條尚望鴻慈諒賜保全之德茲乘尾餉便羽敬
陳荼苦於寸函兼荷滄溟仁音聊附芹私於尺莖

代楊總河賀亢撫臺生子啓

附歌一章

瑞應河魁震位聿興乎圖序祥徵箕福多男肇祝於
華封慶鳳毛麟角之初榮啓玉樹蘭葩之竝茂大門
閭而著采咏堂構以稱觴恭惟台臺翰苑仙材天中
德曜幼噴璠璵之器識懷蛟夢鳥於石渠繼舒錦繡
之腸欽繪虎雕龍於天祿維朝廷念豫州爲宰相徊
翔之地暫撤御於金蓮幸嵩高奠中土實哲人誕育
之區聿篤生乎珠樹豈植三秋之首序桂子新香瑞
踰七夕之佳辰天孫光燦雲氣占靈臺太史見仲舉

之裔竝美荀龍歡聲動河雒蒼生知申伯之朝復生
山甫一舉而獲丈夫子維世德永爲作述韶歲而見
寧馨兒將海內榮乎接武某素仰斗精久瞻嶽氣欣
聞鸞鷲之肇生榮滋鵷鷺快覩騶麟之兆吉喜洽騏
駟彌熾彌昌弧甫懸而已卜爲屏爲翰象當舞而重
光忝爲李杜之通家敢賀韓范之有子譬如河源之
發星宿歷涇渭汭洛而益洪猶山脉之始崑崙孕華
岱嵩恒而愈厚夢叶維熊之什徵尊公豹變有文音
符和鶴之爰愛乃郎鵬搏指日芝蘭濟美深欣珠玉

之在前槐桂盈庭會見纓簪之相望今日啓赤蚌珠
光生繡祿已豫蔡乎紹庭他年分青藜火榮映縹緗
更羨興乎跨竈佇看鳩開玉杖喬梓均南極之輝行
將鴿放金籠桑粉竊北辰之戴爰酌黃耆之大斗請
歌彤管之雅章

歌曰維天祐善諸福臻百靈聚順誕乃馨古稱才子
十六族元愷著氏厥帝欽吾友亢公真天人佐命聖
朝百度新熟讀秘閣書萬卷出秉寶鉞臨豫民豫民
新出膏釜下遇公撫馴如陽春方春之杪戟始建逮

夏之月澤已深軒輶所迄皆甘雨兩河相望成棠陰
予來共事河之津冰清玉潤溫其襟道風秀世鄴侯
體清泉白石敬輿心夏潦暑暍衆所憚公獨怡焉不
爲辛爲民戴國德如此宐其繩繩繁後昆旣曰黑頭
成公輔更卜早歲長兒孫自余馬首欲東去入秋佳
事始相聞一索果獲長男子鳳雛麟定迥不羣自茲
福澤彌覃廣鸞翔鵠峙盈其門河洛固爲鍾靈地雲
中舊多奇偉人毓源深者厥流遠詎獨五色書卿雲
余援金徽寫宮徵譜出九畹之初芬會見階除稱秩

秩黃扉紫閣垂恩綸元方兄弟竝美譽懷英父子成
奇勲余觀公德高以厚漢唐世族安足論

代楊總河賀總督李生子啓

瑞啓荀龍紫氣護雲中鸞鷲祥踵薛鳳靈光誕天上
麒麟榮生槐桂之庭香蘊芝蘭之室英同跨竈賀切
肯堂恭惟台臺名重伊周勲高韓范秉鉞臨九州之
四青究與幽豫同敷分陝統五嶽之三泰岱階嵩恒
竝峙沐甘澍者億萬戶祝効三多霽風雷者數千言
報占五福門閭豫大果兆吉於維熊丹腹重新更徵

禧於和鶴適竹聲之動臘應梅萼以先春沙麓山前
送出玄珠赤水雪香亭畔結成仙子瓊花金粟是前
身懷投玉燕聖童誠問世夢入銀蟾葩種碧蓮鼎呂
煥仙根之色栽成朱杏璠璣滋貝葉之光自茲珠玉
盈前奚羨聯床袍笏會覩簪纓奕世共誇滿巷華軒
某素仰精星虔瞻嶽氣值滌河之燦景器車澤馬苞
符竝荷生申挹魏甸之條風且兔巢鳩霖霖咸應誕
角佳兒鵲起榮滋鴛鴦之行盛事騶傳惠及騏驎之
步試聲已知英物著滕可動天文忝稱閎閎之通家

敢卜棟梁之有種虞淵夾日曜暎旭於扶桑斗柄聯
輝啓奎躔於室壁駒稱千里名蜚太傅之烏衣雛質
九苞采耀護軍之雀桁附枌榆之里欣聞五老集庭
竊喬梓之芬謹率三藩賀闕

代楊總河賀亢撫臺壽啓

恭惟台臺瑞叶星精祥占月母羅文昌而筭武庫紫
暎光映麟書左太乙而右長庚芝檢榮膺鳳詔偉績
煥嵩高之錄鴻文啓河洛之圖茲歲序之逢申適符
嶽誕復天躔之應角豫慶海籌十七世宰官身前因

金粟八千歲真種子果植仙根壽國壽民羣頌清新
之開府十年卜世允資勲舊之阿衡由此六甲周天
綿曆遐登算鶴行且五雲捧日綸扉屢錫杖鳩矣某
誼共從龍情慙放鶴夙仰菁華於秘閣藉蔭栢松今
受偉畧於長城沾榮桑梓望西崑之氣謹倩力於東
風瞻南極之輝爰罄忱於北斗一函豈儼瑯玕三祝
敢倣桃藕惠而好我莞以茹焉

代總河楊賀甯中堂孫登第啓

慶萃龍圖四海仰棟梁於大父祥鍾麟角五雲書瑞

大觀堂文集 卷一四
一
靄乎文孫幸分梓里之光敢後楚翹之賀恭惟台臺
開天碩輔昭代元勳世篤忠貞丕肇箕裘之盛業聲
隆調燮聿承堂構之恩綸茲喜鳳毛接武於龍墀欣
動天顏之色更羨驥足聯飛於虎榜騰歡日下之聲
舟楫繼鹽梅詢矣淵源有自丹堊加斧藻煥乎累葉
同光宮袍映禮樂三千共羨相門之有相魁名冠英
雄五百允徵才子之多才竚看振彩螭廷會見蟬聯
鼇禁纓簪胥慕朝野欽瞻某素託粉訟久承樾蔭仰
滋培乎東閣戴切北辰聞鼎捷於南宮神馳西府中
書政本之地獨坐自讓君家平章協和之勳竊潤寧
遺吾屬燕欣雀賀寧云謝氏之芝蘭豹變鵬搏敢叶
熙朝之槩杞冀附攀乎鱗翼爰申悃於羽毛統希台
鑒可勝神瞻

代總河楊侯李總督啓

恭唯台臺摩霄鳳彩景海鼇光鎖鑰啓天南勳望冠
麒麟之閣旌旄環冀北德威雄虎豹之司文武爲憲
於萬邦忠孝傳家於奕世暫寄三方之節鉞佇調五
位之絲綸某幸藉葭蒹誼素資樾蔭自慚短絆出沒於

鯨波鱷浪者數年幸借長風挽回乎海若波臣者一日數蒙鼎誨每藉策以奏功屢拜瑯函僅銘心而戴德辱絳駟賁止殊疎望氣之占暨檠戟榮旋尚乏登堂之敬茲值陽回玉律遙知春滿朱門謹一介以鳴禧附寸芹而致悃雖淺淺東帛陋僅賁於丘園而疊疊丹純心實依於岱嶽伏惟丙鑒可勝庚瞻

代總河楊侯亢撫院啓

恭惟台臺南天磨鳳北闕夔龍綴銀管於玉堂秘冊煥青藜之瑞縮金符於鈴閣圖書呈綠字之祥保釐

久浹於兩河屏翰允先夫九牧某媿叨分闡幸藉同舟夙邀光於倚馬濫沾蓮燭之輝今共事於沉犀彌竊蘭膏之益祁寒暑雨共艱苦者唯我兩人怒颶狂瀾賴護持者有如一日長策洵資乎短綆傾舟雅附於澤車乃瑯珩寵錫唯勞鶴鹿頻來而琬琰榮披未獲鱗鴻往報茲值葭飛玉律之辰正擬枚卜金甌之兆鸞扉峙北幸懷西苑之音馬首去東益望南車之教敢申忱於一緘謹侑悃以寸芹雖淺淺僅賁諸丘園而懇懇實依乎斗岱唯望海涵可勝嶽仰

麟閣勲高月府藉乘龍之采鸞軒瑞靄星槎探跨鳳
之榮幸邀王謝之新盟謬締朱陳之夙好光生蓬華
感切薦蘿恭唯台臺開天良弼昭代元臣擅經文緯
武之才兼出將入相之烈庭輝花萼慶袍笏之聯床
門映楚翹美貂蟬之盈座鼎呂風生乎熊幕家型世
篤忠公閨幃化著於鵲巢女範永敦貞淑唯王郎乃
稱坦腹詎孟媛僅號齊眉自非吹笙控鶴之人疇克
射屏中雀之選茲幸嬋娟猶女允徵鸞鶩奇祥何意
雛弱小孫獲配鴛鴦佳侶自此標梅迨吉兔絲麗喬
木以滋輝行且紅杏深栽鶴埵託瑤瑤而增峻矣某
桑梓末品松栢餘材昔初蘭以斷金今附葭而倚玉
瞻宰公之赤舄尚類姬姜近太傅之烏衣芳聯秦晉
一枝偶沾於連理三生戴切於同心永紹曾玄似續
之基敢忘伯仲吹噓之力聊仗班鸞素雅代布箋魚
敬因奠雁和雍載馳銀鹿伏惟丙鑒俯式寅忱臨啓
莊肅之至

代總河楊侯祖督臺令弟啓

玉鏡函輝麟趾邀光於屏雀金闈毓秀鳳占叶吉於
笙鸞赤繩攀岱嶽之峰青佩賁江臯之浦化調琴瑟
戴切篋塤恭惟台臺標勳竹帛著氏鼎鍾列棨戟於
朱軒金紫映芝蘭之室啓縹緗於繡幕璠璣充槐桂
之庭雍穆徽柔夙章彤管幽閒貞靜遠勝綠牕况鵬
騫豹變之姿奇男既世鍾閎閱而鳩洲鵲巢之教淑
女尤代表門楣自非倚馬名才孰稱控鶴何意驅雞
孺子喜竊乘龍獲遂願於葭莩總藉嘘於花萼某濫
竽節鉞叨庇纓簪向託契於風雲訂交芳杜今尋盟
於星斗感切絲羅寧誇丹海之聯珠謬種藍田之雙
璧鹿車步輓忽瞻四牡彭彭鵠案齊眉更覩三英燦
燦自此江永漢廣家型慶篤於彌孫益念宋子齊姜
作合恩承於諸父拭目鴛鴦之侶未遑圖報瓊瑤銘
心鵷鷺之詒聊用申忱棗栗俯蒙青盼仰籍烏推臨
啓莊肅之至

代總河楊祝督臺李壽啓

恭唯台臺儲光太乙誕秀長庚文武爲憲於萬邦忠
孝垂型於奕世地雄白馬六韜擅將相各家氣望青

牛五福萃公侯甲第熙春臺者四國敷青宛幽豫以
偕登廣夏屋者三方配恒岱嵩高以竝峙上宅揆而
下亮采天成韶歲之夔龍內天保而外采薇人頌英
年之名虎茲值生申之旦適符仲呂之辰永日麗朱
陽桃藕與芝莖竝燦薰風先瑞午椿槐映蒲玉交輝
果種仙根華琯旣昭於南極身來金粟霞觴屢晉於
西崑自此鸞鷲羣儀仰翼軒皇之玄扈行且麒麟繪
像永存漢室之青緗矣某素仰星精虔瞻嶽采資長
城之偉畧每思倩祝東風逢海屋之新籌敢效傾忱
北斗赤書縈紱舊占五老之集庭丹詔宣麻今率三
藩以賀悃片羽聊仿於松鶴寸函敬附乎笙鸞伏望
淵涵可勝鼎荷

代總河楊賀六撫臺午節啓

恭唯台臺惠洛薰風化覃永日麟祥凝洛水圖書炳
離焰之輝鳳采賁梁園檠戟煥朱陽之色花磚學士
縹湘與蒲玉同清斗印中丞劍履共黍金竝碧茲值
天中令節槐龍晝蔭於薇軒欣逢地臘良辰艾虎霄
懸於蓮署涼颺甘澍東郊則棠芾成陰絳露卿雲南

大觀堂文集 卷十四
國則嘉禾燦秀自此和羹宸錫無煩鍾乳以頤顏行
且飛白綸頒非藉鮮絲之約臂矣某素瞻曦馭仰質
昭融聊因楚風競渡之朝敢效蜀俗浣花之獻粢唯
杞菊悃祇類於山芹厨愧筍饌忱敬抒於水芰擷兔
葵而采燕麥總褻梅鼎之餽椒展獸縷以晉魚箋爰
佐冰盤之角黍統冀苑綠可勝寵光

孫男 懋棫 懋棠 全校錄

大觀堂文集卷十五

暨陽余 縉浣公甫著

啓三

代總河楊咨亢撫臺午節啓

恭唯台臺和同蜀扇清竝冰丸蒲菰交翠於光風菡
萏凝香於永日賞花賦竹夙分秘閣之藜輝折柳度
梅今荷長城之樾蔭茲值浴蘭佳序誼媿投桃孰意
佩芷芳襟情殷沉李龍髯犀塵捧函而炎景悠然鮫
紈驪珠展翰而涼飈倏至是誠百朋之珍允應什襲

以藏某蹇足北牕注眸南陸逢切玉包金之瑞乏獻
書貢鑑之誠方慚黍臠徒將腹熨彈碁之局忽覩瑯
玕惠及心銘彝鼎之甘謹對鶴鹿以拜嘉爰附羽鱗
而肅謝神馳礎潤感切灌陰

代總河楊答張撫院訂婚娶啓

恭唯老親家台臺門高王謝名重范韓秉鉞勾吳海
國羣瞻鸞鷲建牙江左雲臺佇繪麒麟芝蘭茂植於
庭階槐桂挺森於閨闥洵矣纓簪之甲第行觀袍笏
之聯床某素依蘅杜幸附鸞蘿韋布荆寒謬締盟於

金紫錦衣玉潤每自媿夫冰清茲承鸞鳳之好音豫
訂鴛鴦之佳卜藍田種璧固已迨時丹海聯珠寧踰
筮吉顧天桃灼灼爲父母者雖有同心而楊柳依依
報國家者不遑內顧矧弟防河之亟正在深秋而老
親家靖海之勲寧踰今臘各圖君父之任暫遲兒女
之姻旣俾朱戶賢郎耑富五車於班馬兼令綠牕弱
息稍嫺四戒於姬姜謹摠寅衷訂期酉歲鹿車步挽
敢煩瓊玖之隆施鵠案齊眉會覩璠璣之紹慶伏惟
台鑑俯式微誠

大觀堂文集 卷十五
代總河楊咨張撫院親家啓

恭惟老親家台臺斗北夔龍天南麟鳳舒九州八埏
之宏畧運三江五湖之秘籌海甸風清劍履靖蛟唇
之氣山川日麗旌旄增虎豹之威行將耑席綸扉佇
見補袞香案某夙藉斷金今叨倚玉祗畏簡書之載
聘久疎紵綯之晉將顧承榮問遠頒欣接令音於江
表兼荷珍儀寵錫永銘峻德於滄深一函附鹿鶴以
申忱尺素儷鱗鴻而鳴謝投瓊報李實媿蓬心愛曝
美芹統惟台鑒臨啓翹切之至

代總河楊賀李督臺生女啓

恭唯台臺瑞昭麟定化美鵲巢桂槐旣蔚乎荀龍蘭
蕙復徵於雛鳳方慶占釵之吉忽聞弄瓦之祥繡閣
香清世種藍田良璧金閨淑秀豫呈丹海明珠自茲
咏雪才華名與凌雲竝著行將采蘋茂德仁階覃葛
同敷矣某夙仰門楣素欽家範旣幸佳公子之挺生
熊羆兆洽復聞窈窕女之誕育鸞鴦光榮謹申賀燕
之忱爰祝睢鳩之喜伏冀鑑納曷任寵沾

代總河楊咨山東劉按院啓

時劉遣
祝公壽

大觀堂文集 卷十五 啓三
繡斧榮巡東國共春臺之皞瑯函寵賁南天瞻夏屋
之渠媿馬齒之徒增荷麟書之遠錫潤扶蒲柳感切
松喬恭唯台臺熙朝威鳳盛世夔龍直節聳台符矯
自古仗駿寒蟬之誚清風披海甸洗近日脂車秣馬
之文烏府皂囊先聲肅而豺鴟屏跡螭頭白簡臺綱
正而孤鼠潛驅顧攬轡方新已賴注存於馳走茲褰
帷按部復蒙眷睠於萍踪歲晚桑蓬深藉棟梁之茂
蔭韶華梅楫佇看鼎彝之和調某少不如人壯非優
仕十年狼狽僅奔鶩於波濤一代羽儀幸依光於嶽

麓勞勞尸素之咎未知稅駕何期蹇蹇顏甲之慚敢
憶懸弧有旦孰意惠頒瓊玖命鶴鹿以遙臨益媿誼
忝金蘭乏雉羔以申候一簾秋水久欽柱史之高襟
四座光風敢濫端公之茂德謹藉手以附趙爰銘腑
以班荆唯願泰階宏闢早登玉瓚於黃流河海澄清
豫躋冰壺於紫閣庶幾壽民壽國餐沆瀣者與有榮
施行且卜世卜年拜珥琅者何啻濊渥

代總河楊賀撫院亢中秋啓

恭惟台臺明映冰輪惠覃玉杵柱笏對西山之爽氣

持觴命北海之雄襟茲逢梧井宵涼倍憶桂花朝滿
金颺應律瑞徵芍藥之班銀漢干霄佇觀芙蓉之札
某幸依光於蟾鏡每竊馥於瓊臺皓魄人懷徒誦謝
生之句胡床嘯咏未同庾傅之樓一樽豈礙於松醪
三復情慙於葭露唯冀滄納曷任嵩瞻

代總河楊答撫院亢中秋啓

恭唯台臺照朗冰壺風清瑤闕劍履映槐金而竝碧
圖書燦桂玉以呈輝暫暢逸於南樓佇展猷於東閣
某素佩涼襟久依皓鑑茲值望舒初滿未遑振策於
長風忽蒙蓬閣寵光遽爾頒函於明月瑯玕鳳圍何
堪濫被蒹葭黼黻龍章過沐榮施蒲柳重緣鼎臆之
隆情謹用銘心以志德

代總河楊候廣西撫院于啓

恭唯台臺斗北夔龍日南麟鳳氣吸瀟湘虎豹增威
於幕府德綏岩洞猱狙革面爲干城先聲兼懾黔滇
後效全收交廣手撐半壁九嶷之草木皆兵身入不
毛百粵之箐茅釋甲洵矣藩屏鈴閣佇將柱礎綸扉
某素藉同開幸叨分閫勞勞河曲欣瞻露布之辭望

望楚西拭目雲臺之氣茲乘戍弁之順羽謹附寸緘
於司閽神馳獨秀之山敢彷彿洞庭秋雁夢繞熙春之
閣爰附蒼梧翠鸞伏惟丙鑒曷任寅瞻

代總河楊侯兩廣督臺王啓

恭唯台臺三朝鼎呂兩粵長城氣吞溟渤之鯨鯢化
被嶺南之豺虎蒼梧雲樹重恢帝子山河合浦風濤
式廓皇圖版籍已見壯金湯於萬里行將標銅柱於
百蠻某素仰烟雲夙同風雨緣祇南北之分驚久寂
鱗鴻幸藉東西之載寧頗安猿馬茲因戍防之便謹
附黃耳以傳音媿無筐篚之誠僅託青鸞以代舞伏
惟原鑒曷任欣瞻

代河道徐候正主考黃啓

午雲開斗北鯤鵬望溟渤而偕搏丙鑒蒞天中鵬鸚
附風風以竝奮夙仰榱楠之柱國近瞻桃李之盈門
慶溢冠紳情殷紉佩恭唯台臺三楚名儒六卿首輔
五車學富胸涵七澤之菁華八斗才雄氣壓九嶷之
岫嶠向秉巨源明鑑玉映冰壺今司永叔文衡珠輝
犀炬東都楮踴運維八代之靡南國歡騰聲藉兩河

之頌洵光符於汴洛允彩煥於嵩高某久占鳳質顛
仰虎文自外遣以一麾殊內踈乎九鼎徒枕席乎鯨
波鱷浪未遑窺豹之一斑復紛馳於馬足車塵孰克
睹麟之五德何期瞻紫遂可問玄敢恃垂青并遺貢
赤祇緣滯跡於滌澤無從迂旆於蘇門一緘聊附葵
芹萬緒情深槐棘伏唯海納不勝岱瞻

代河道徐候副主考丁啓

西山爽氣朝來逼人南國人文振古爲盛唯大宗師
主人間世故齊物論得秋水篇洵嵩雒之輪靈仰泰

華之琢就箋魚志躍觥兕申歡恭唯台臺蟠根天目
挺秀雲谿東江萬軸圖書羅列甲兵武庫西湖十年
林壑鑄成嶽瀆文章顧一鳴驚人旣奏歸昌於宗伯
而八紘選士復秉犀炬於冰衡誰玉筍誰青錢久矣
耳名於鳳圃爲蘭茝爲桃李咸思隸籍於龍門旣合
韓柳爲大家編摹紙貴寧失蘇黃之小品傳寫傾都
暫焉借鑒於天中佇且秉甄乎海內某篇吟入雜賦
誦登樓早瞻豹采於吳山近接麟祥於燕邸自一麾
以外遣致八騶之久踈幸六轡以遄臨復五驄之未

御三秋桂魄徒懷鸞馭於蘇門千里梅珠幸接龍光
於淇澳惠而好我一言以挽狂瀾其贈伊何巨篋以
速嘉客伏惟鑒涵可勝景瞻

代河道徐迎新總河朱啓黃之小詩書寫
星槎天上至岱嵩增劍履之輝蓮炬日邊來河雒煥
圖書之采覩山川而欣動慶水土之平成諒切扶輪
望愍夙駕恭唯台臺匡世伊周濟時禹稷菁華領袖
久司中秘之文章黼藻宗工羣服銓衡之冰鑑顧工
虞水火旣雅擅於武庫文昌而砥定澄清更兼治乎

陽侯海若維國家之氣脉首重河漕故朝宁之簡稽
聿先岳牧決排疏淪總抒濬距於文淵調燮經營豫
繕舟航於學海甫鳳綵榮頌之日卽鯨波效順之期
萬國靖狂瀾金簡膺而龍門永奠九州祛昏墊玄圭
告而鶴艘飛輪暫統節鉞於諸藩佇握絲綸於獨座
某濫竽後進未登著作之堂幸備從員獲廁承明之
舍自一麾以外遣目睠黃濤念九鼎以內銘神依亥
度勞勞短綆方咽秋風兀兀長城徯來冬日莫罄鞭
弭之願益奮附於青雲敢遲旌旆之瞻早逐光於紫

大觀堂文集 卷十五
氣花箋肅奏祝六轡以遄臨芹筐徒將麗八騶而竝
騁伏惟丙炁可勝寅虔

代河道徐迎新總河朱小啓

恭唯台臺秀鍾石樓祥凝繡澗金華殿上夙欽灑翰
於端明銀管班中獨重徽猷之著作顧兵農兼擅乎
衆畧而文武式憲於萬邦屬三館之羣推遊麟儀鳳
維九重之特簡刻鵠治犀肅鱷浪而靖鯨波漕挽立
登天府驅馮夷而鎮海若隄防永固地維知嶽瀆具
於文章無煩金簡繫風雲出諸經濟佇勒琯戈坐收

赤文綠字之祥行卜紫閣黃扉之選某學媿蠡窺才
慚蚤負夙受龍圖之訓時以九州饑溺爲憂近聞鶴
馭之臨益唯四海澄清是祝濁流激湍孰砥柱乎三
門斷岸狂瀾函中流之一粟雖河濱匏繫未伸望冕
之思而岱左葵傾實切迂騶之願敢肅忱於斗戴謹
候駕以星言

代河道徐迎新撫院賈大啓

鳳綉初騰河洛之圖書煥采熊軒夙駕嵩高之雲物
滋輝鴛鷺借貔虎咸欣鯨鱷共蛟蜃竝肅占符斗曜

望切星言恭唯台臺盛世伊周熙朝禹稷羅文昌而
應武庫久瞻半壁之長城調玉燭而卜金甌行陟中
書之獨座顧當宁念豫州爲四達之宇允需八面宏
才暨在廷推撫軍必九牧之英乃克五方首翰遂簡
六卿之民譽爰分二陝之邦禎劍履動玄文紫氣喧
傳日下羽儀來赤伏紅雲競望天中名冠鸞臺節鉞
暫膺於方虎勲圖麟閣絲綸佇握於夔龍綦襪線微
材囊錐末品汲深綆短素叨庇於司空踵決履穿今
仰極於開府五技自慙於一得三生幸近於二天距
畝濬川總藉濟時之舟楫安瀾潤涸尤冀秉軸之權
衡知恩隨六轡以咸臨五夜縈忱旌旆唯心附八騶
而先騁一箋申悃鞭弭伏望丙涵可勝寅仰

代河道徐迎新撫院賈小啓

恭唯台臺雲臺名裔繡鼎元功文武式憲於萬邦經
緯裕籌於七畧早儲救時之宰相禹作司空爰推甸
國之保衡名爲岳伯慶集中原麟鳳奠茲澤國龍蛇
某素瞻紫氣切望青雲猥承疏淪之司謬荷高深之
庇方駭洪濤匝地怎悲瓠子於秋風詎意湛露自天

大觀堂文集 卷十五
忽覩薇光於冬日南州鎖鑰知錫訓有過南車北極
台符期利濟無憂北楫已慶河清之兆刻鵠恬波敢
遲岱仰之心枋鳩奮羽敬函芹素聊望冕以伸忱拭
奏花箋謹迓騶而夙聘伏惟涵鑒曷任榮欣

代驛鹽道郭迎新總河朱大啓

鳳綽初騰河雒煥圖書之采麟軒夙駕嵩高映劍履
之輝覩欣動於山川慶平成乎天地玄圭佇告紫氣
先瞻恭唯台臺匡運伊周救時禹稷應文昌而羅武
庫久欽著作於承明調玉燭而卜金甌佇握絲綸於

屏閣秉巨源之品鑒龍圖獨擅冰稜司永叔之銓衡
虎繡咸甄瑤樹顧當守念河漕關國家大脉首推嶽
瀆文章而在廷稱濬距實師保弘猷羣讓澄清偉烈
九重知己暫統節鉞于五方六宇承恩早望舟航於
四國欣天河之早挽奠地軸以永寧某素慚短綆幸
庇長城蠡測豹窺向景如椽於燕許鳩慵蚊負今占
利濟於歐韓惟水火工虞之咸調知離郵兵農之並
賴葵傾斗岱榮隨六轡以偕臨匏繫河梁心附八騶
而先聘三沐舒忱於羔雉一芹侑悃於鯉鱸伏望海

涵可勝鼎仰

代驛鹽道郭迎新總

河小啓

恭唯台臺蓮署楷模玉堂領就名爲岳牧實唯殿國
之保衡禹作司空豫儲救時之宰相冰壺並收梓杞
羅麀鳳以彙征金丹弘濟江河奠蛟蜃而永謐暫寄
五藩之鎖鑰佇調九鼎之鹽梅某肅瞻紫宇虔望青
雲藜光久盼於金華樾庇今承於鈴閣乘駟載駱未
能負弧矢以先驅奮駑策貽尚期竭鞭弭於後乘一
槭申忱鵲躍三生戴切鼇擎伏唯丙鑒曷任寅瞻

代河道徐祝總河朱壽啓

黃鍾應律藜光燦南極之輝青翟啣書蓮炬啓西崑
之瑞慶添籌於海屋衍億紀於河圖共祝春臺胥瞻
華渚恭唯台臺天上石麟人間金粟鳳儀來太乙久
騰嵩雒之青光麀莢授金華豫仰蓬瀛之紫氣銓衡
盡羅梓杞蔚棟礎於泰階劒履弘奠山川壯藩屏於
斗柄顧雲移五色旣福世以福身而芝秀三莖復壽
民以壽國占踰月母鍾嶽誕以生申祥燭文昌膺台
符而繼呂佇晉鳩乎玉杖初放鴿於金籠某弱類柳

蒲幸竊栢松之蔭材同蕭艾唯依椿樾之榮歡逢鸞
馭奇徵媿乏脯磨以獻祝慶茲龍光前御敢稱觥兕
以鳴禧一函僅效於棗梨三沐申忱於桃藕伏唯丙
鑒可勝嶽戴

代河道徐壽總河朱小啓

恭唯台臺儲光奎宿誕秀長庚文武爲憲於萬邦康
濟聿先乎百辟熙春臺者四國敷青充揚豫以偕登
廣夏屋者五方配恒岱嵩華以竝峙茲值生申之日
適符應呂之辰果種仙根華琯弘昭於南極身來佛

日霞觴晉福於西崑自此鸞鷲羣儀共仰軒皇之玄
扈行且麒麟繪像永光綸閣之青緗某素仰星精虔
瞻嶽采望龍門之模楷每思倩力東風欣鶴算之圖
籌敢效傾忱北斗片羽聊助於松鶴寸函敬附於笙
鸞唯冀海涵不勝岱仰

代河道徐賀總河朱年節啓

斗揭東皇鳳曆啓磨遊之瑞春回北陸龍躔紀雀獻
之祥物華肇發於金門芳萼榮葩於玉鼎敬函鯉素
代祝鴻禧恭唯台臺望隆山嶽睿鑒璣衡仁風扇玄

大觀堂文集 卷十五
臘之溫河潤弘敷千里淑氣融凌陰之凍岱陰秀庇
三方松竹久苞於蓮署椒蘭近蔚於鱣堂茲逢獸樽
紀歲之期適符鯨海恬波之兆五雲開劍履玄圭佇
告於冀庭三素賁絲綸紫閣爰需乎薇極慶建元於
四序占獨座於三公某徒珍五辛罔窺七緯幸叨冬
曝之煖拂其羽毛復藉條風之和嶮茲頭角山桃葦
索旣志令於星輝栢葉銀鎗敢鳴床於杓建雖侑緘
媿乏屠蘇之頌而拜箋實深珂燭之瞻伏望滄涵可
勝嶽仰

代河道徐賀總河朱年節小啓

台臺清映冰壺溫回玉律洒龍圖之翰墨瑞發履端
展鳳閣之經綸春呈首祚平天成地何假雞帖以書
年濬畝距川共肅獸樽以祝瑞會著麇遊鸞集之典
詎稱放鳩獻雀之儀某沾同花木感類風雲瞻桃菊
之更新慶殷四始驚竹聲之催爆賀切三朝栢葉桃
湯媿未申忱於華燭椒觴蘓頌唯冀志盛於火池一
函倩力東風三沐傾心北斗唯冀寵納可勝榮施

代驛鹽道郭賀撫院賈年節啓

鳳噉丹書雒渚啓麟遊之瑞龍躔蒼角梁園呈鱣集
之祥絲綸兆采於元辰節鉞懋膺乎初序情慤獻雀
歡竝書雞恭唯台臺雲臺偉績天闕元功春風冬日
之溫手調玉律西崑北斗之望氣燦金甌地上錢流
司冰衡於少府天中雷動統嶽牧於南州顧劍履新
賁之期適璣衡建吉之日頌椒進栢萬家祝始於屠
蘇爆竹催梅百吏慶深於華炬仰履端之佳氣豫占
綠字呈禧覩首祚之緘和共快黃麻促名洵徵麻於
三素會紀美於五雲某蹇同臥雪拙類語冰幸藉庇
於樾蔭獲負暄於黍谷遇陽春之敷布榮切蓬心荷
淑氣之融和感傾葵悃一函豈儼於獸樽三爵敢同
於鳩羽伏唯丙鑿曷任鼎瞻

代驛鹽道郭賀撫院賈年節小啓

恭唯台臺調元彞鼎建始鐘鏞仁風扇而玄臘回春
淑德流而青陽布令慶椒蘭之聚瑞蒼鸞歌舞於鱣
堂欣松竹之茂苞威鳳徊翔於虎幕兩河男女行皆
託姓國鈞百代丹青佇且圖勲天室矧茲雲開之令
節正逢斗建之佳辰五福重申共祝獸樽以獻歲八

風著瑞無煩雞帖以書年屬麀馭之新榮志龍光之
燕喜某叨滋春露竊曝冬曦幸隸藉於梓鄉恩先花
木慶更新於莫莢澤待薪樗唯冀鎖鑰之長城佇陟
絲綸之秘閣九醞舒忱印鵲一芹效悃井鳩

代河道徐賀總督張年節大啓

太簇司元龍袞佐春陽之績斗躔紀歲鳳書徵淑景
之輝瑞靄弘被於千官雲物先登於三輔敬函鯉素
代祝鴻禧恭唯台臺清徹冰壺温噓玉律握承明之
班管字挾風霜較天祿之秘書文含雨露自控長城

於半壁三方共仰來蘇佇膺和鼎於十旣萬族咸瞻
相器顧茲推遷之時序適逢肇始之歲華雪盡梅葩
桃菊燦而金門色麗山輝蘭潤竹聲爆而玉樹芳妍
占佳氣於履端調燮允兼七緯望榮光於首祚亮寅
已著三微犧樽先祝於奠階鸞采行瞻于薇禁某材
同樗散力媿茅靡幸曦冬曝之温竊被條風之扇際
元辰而紀素頌媿拙於椒花考古月而志雲獻僅同
於栢葉三沐舒忱於珂炬一函效悃於屠蘇

代河道徐賀總督張年節小啓

恭唯台臺望隆河嶽品重璣衡淑氣融黍谷之幽惠
露布陽和之澤鳳池瑞靄久瞻斗揭東皇龍陞雲移
近覩春回北陸星文開劍履三方共建始之輝鼎呂
肇絲綸九牧推物華之寶松竹茂苞於蓮署椒蘭羣
茁於微庭欣玉律之初調慶金甌之佇卜棗拙媿語
冰才慚和雪快覩麇遊鳳集之瑞敢效獻鳩放雀之
忱雞帖山桃儀僅同於九醞犧樽栢葉貢祇類於五
辛望深珂燭之榮情切屠蘇之頌

代驛鹽郭賀河東鹽院年節啓

令啓東皇繡節煥彤帷之色躔回北陸皂囊徵赤舄
之輝梅葩著信於和羹萸莢敷榮於屈軼慶慙椒頌
悃切栢臺恭唯台臺胸湛冰稜筆融露澍乘駟載駱
人稱有脚陽春集鳳遊麟世仰隨車甘雨下阜民而
上裕國僉惟柱史之仁風內觸邪而外登良允賴端
公之暎照顧攬轡澄清之日適司衡熙皞之辰欣玉
律初頒松竹茂苞於烏府快金甌佇卜桃李競蔚於
鱣堂瑞符弘被中州序膺斗建采物禱皇雍冀紀美
雲開洵淑氣之嘉祥應履端之吉祉某質類茅靡才

同樗散幸備員於屬吏屢疇冬曝之溫更託藉於編
氓兼被條風之扇際元辰而瞻三素咏媿拙於辛盤
考吉月而志五雲獻僅侔於金蘇聳三爵拜龍光之
喜一函伸雀獻之忱伏望寵涵可勝虔仰

代驛鹽郭賀河東鹽院年節小啓

恭唯台臺清徹冰壺溫噓玉琯卿雲惠露祥覃七緯
之符旭日光風瑞啓三朝之采驄馭臨而鳳麟狎至
豸繡燦而鳩雀歡翔豫占調燮於鹽梅早著嘉祥於
竹栢某幸叨冬曝快陟春臺積雪飛霜賴鴻籌而錫
祉熬波斥鹵藉鼎庇以生春逢四孟之推遷感八風
之瑞靄寸緘伸忱雞帖傾九醞於銀鎗尺莛效悃犧
樽祝三公之珂炬伏冀滄納曷勝榮施



